


劉隨州文集

盧抱經校本



題辭

劉隨州文集十一卷其前十卷皆詩也後一卷文而摭  
題曰文集何義門氏以宋本校正如此其卷之起訖字  
之異同皆備著焉然後一考有目而無文余案其目求  
之僅於文苑英華得四篇錄之也尚無從考也隨州詩  
詞不及浣花翁之博大精深牢籠衆美然其含情悱惻  
一辭委婉緒纏絲而不斷味涵泳而愈旨予美之後定  
當推爲巨擘衆體皆工不獨五字爲長城也近時吳江  
席啓寓刻唐人詩百家以隨州爲首雖其詩亦差備而  
偶有同異究不及是本之精夫一字之不安通章之病  
也學者可不惟善本之求而但沿流俗之所傳乎有志

風雅者其必樂考于斯矣  
乾隆四十有二年三月十九日東里盧文弨書於金陵  
之寓齋



劉隨州文集目錄

第一卷

逢芙蓉山主人

送張起崔載華

贈秦系徵君

感秦系

夜中對雪贈秦系

湘妃

斑竹

春草宮懷古

正朝覽鏡

送李端公

送張十八

尋岑秀才不遇

聽彈琴


偶見葵成詠

見桃花晚開

送崔貞甫李穆 四首

隨州刺史劉

長卿



寄許法稜

送方外上人

送靈澈上人

谷崔載華問

次自田途中

江中對月

過劉員外別墅附

碧澗別墅

招明契上人

送少微上人

七里灘下作

對酒寄嚴維

酬劉員外見寄附

新年作

朱放立碑回表附

送宣尊師醮畢歸越

送裴郎中

送裴使君

寄劉員外附

酬皇甫侍御見寄

月下呈章秀才

酬張夏

送李使君

觀體如師梵

酬張夏苦寒作

尋洪尊師不遇

喜鮑禪師至

送方外上人

宿北山禪寺蘭若

別梁侍郎

留別薛柳二員外

留別穆郎中

送人歸復郢

送金昌宗

酬張夏見寄

奉送穆諭德

偶然作

送孫沅歸新居

送李員外使還蘇州

酬李員外見寄

見秦系山居作

酬秦系

歲日作

題開元所居

送崔載華張起

送張司直

寄徐侍郎

送朱山人歸別業

喜普門上人至

送李祕書

過張明府郊居

次柳楊過元八所居

送李侍御

寄普門上人

寄鄭協律

岳陽館中

馬別鄭侍御

送屈突司直

第二卷

雨中山居贈別

送李中丞

奉使至申州

穆陵關北

安州道中

步登夏口古城

贈別盧司直

酬郭夏見贈

書情寄故人

餘干旅舍

登思禪寺

次前溪

北歸

將過虎丘

寄元侍郎

秋杪江亭

送鄭司直

送靈澈上人

留別蘇臺知己

歸陽羨附

和靈一上人新泉

別皇甫曾

送李摯

送裴員外

別李紆張南史

送侯侍御

登臺遠眺

送梁二

送崔昇  
過李將軍園觀妓

送嚴侍御  
送王端公

送鄭侍御  
送李校書

登城眺望  
陪王明府泛舟

送若侍御  
餞前蘇州韋使君

晚次苦竹館  
送李二十四

送盧判官  
送張栢

集梁耿所居院  
贈盧少府

遊雙峯寺  
見桃花寄杜副端

送盧員外  
送處士歸州

次峴陽館懷舊居  
送齊郎中

送屈突司直  
送從弟罷使江東

經漂母墓  
送李端公

送王員外  
送蔣侍御

寄李湯司馬  
送舍弟之鄱陽居

送裴端公  
過桃花夫人廟

送程使君  
送友人西上

送梁郎中  
過羊處士別業

送河南元判官  
見海紅一花獨開

使還至菱陂驛  
送齊郎中

過隱空和尚故居  
過蕭尚書故居

送袁處士  
酬李侍御登岳

第三卷

送徐郎中

聽彈胡琴

過王處士別業

寄萬州崔使君

送馬秀才

送南特進

送道標上人

送梁侍御

歲夜

送蔡侍御

陪辛大夫宴南亭

送獨孤判官

長沙館中對雨

陪辛大夫宴觀妓

題萬成亭

春過裴虬郊園

送韋贊善

送喬判官

送青苗鄭判官

送李補闕

送袁明府

海鹽官舍早春

送徐二十七

曲阿對月

送李侍御

送路少府

松江獨宿

尋真禪師舊草堂

送張司馬迴

喜李翰自越至

寄張十四

送勤照和尚

長門怨

過橫顧山人草堂

送李校書

秋夜雨中

西亭夜燕

尋道人隱居

張十宅觀妓

畱辭前蘇州韋使君

送薛承矩

餞別王十一

送嚴維

留別劉八附

送李七之汴水

送崔處士

送淮西魏判官

獄中見壁畫佛

送許拾遺

送張七判官

送孫瑩擢第歸臥蜀

送史九赴任寧陵

臥病喜田九見寄

寄靈一上人

訪靈一上人

送陸羽寄李延陵

寄靈一上人初還

寄靈一上人

送韓司直

酬李郎中見寄

送人遊越

贈普門上人

送康判官

宿洞靈觀附

送顧長

九日登李明府北樓

同諸公登樓

送友人南遊

送裴二十一

送張判官罷使東歸

早春

第四卷

過包尊師山院

故女道士郭氏挽歌首二

少年行

送李二十四

山居畱別

贈皇甫曾

湘中紀行十首

雜詠八首上禮部李侍

寄李侍御

晚泊湘江懷故人

過鄔二湖上書齋

月下聽砧



從軍六首

龍門八詠

送丘爲

題湖上高齋

平蕃曲三首

送鄭說

題湖上林亭

酬李使君見贈

送嚴維

贈別附

寄劉員外附

酬包諫議見寄

尋明徵君故居

和趙給事贈李舍人

酬呂侍御

登遷仁樓酬壻李穆

別李氏女子

長沙早春雪後

西入石路至麓山

上李太尉

送鄭十二

尋陶十七不在

陪鄭中丞宴

第五卷

同袁郎中宴喜加章服

送鄒結先赴河南

送徐大夫赴廣州

九日蔡國公主樓

送荀八過山陰

饒元侍郎

餞郎中四兄

送賈侍御

王處士草堂畫壁

與陳畱諸官茶會

泊舟臨江樓

靈祐上人木蘭花

宿嚴維宅送包佶

送從弟貶袁州

送友人遊越

送邵州判官往南

寄韓明府

別陳畱諸官

觀李湊畫美人障子

送史判官之靈武

寄褚徵君

石梁湖陸兼

送沈少府之任

送馬處直歸蘇

寄東海荀處士

酬孟雲卿見寄

懷霸陵別業

題幽寂寺

題餘干東齋

贈元容州

送楊明府

和杜相公呈元相公

留辭辛大夫

簡同遊諸公

送李侍御

南楚懷古

南樓憶朱晏

送姚八歸江南

贈李司倉

懷謝太虛

寒食登遷仁樓

附

詠竹

宴從兄子英宅

寄荆南相識

九日岳陽

第六卷

題王少府隱處

次湖口

陪元侍御遊支硎山寺

晚泊古橋村

夢洛陽親故

憶荆南諸公

贈苗侍御

寄李舍人

哭魏兼遂

登干越亭作

留題李明府水堂

入白沙渚

懷演和尚

賈侍御會稽使迴

秋日獻李相公

晚泊留侯城

關門望華山

陪蕭使君尋靈山寺

懷古兼送友人

宿雙峯寺

懷洛陽舊居

登西靈寺塔

湖山逢鄭田

贈郭少府

簡同行薛棄朱訓

對雨贈馬少府諸友

李侍御河北使迴

寄淮南蕭判官

哭張員外經

簡演公

送從兄之淮南

洛第贈楊侍御

題李嘉祐江亭

宿侯尊師草堂

第七卷

寄使院諸公

題武丘寺

餞鄭中丞

送裴四判官

旅次丹陽

客舍贈別韋九

送元八

太行苦熱行

辭洛陽主簿叔

題冤句宋少府廳

留辭李侍御

贈別于羣

送薛據宰涉縣

贈別趙居士

夜宴程主簿宅

瓜洲驛餞張侍御

攝海鹽令

第八卷

尋張逸人山居

留別鮑侍御

送陸澧還吳中

酬梁耿別後見寄

重送嚴維

重別附

重送嚴維

重別附

家園瓜熟感舊

重送裴郎中

尋盛禪師蘭若

寄許尊師

寄劉員外附

酬李穆

送王司馬

寄別朱拾遺

赦後酬主簿所問

贈秦系

酬靈徹公相招

贈崔載華

贈日本聘使

送陸使君

送張篆之

聞沈判官至

送劉萱

過鄭山人所居

送賀若郎中

重送梁郎中

烏江道中

新息道中

春日宴水湘亭

重送道標上人

送李判官

別李十二

春日思歸

送陶十

使還逢薛承規

使回赴蘇州

昭陽曲

聞長洲軍笛

贈微上人

送朱逸人歸

送李十八

畱別劉員外附

送李穆歸淮南

畱辭附

觀李湊畫

送盧侍御

送崔真父

送陸澧

送柳使君

戲題贈二小男

簡賀蘭侍郎

歲日寄裴郎中

重別薛柳二員外

送人歸岳州

送靈徹上人還

送耿拾遺

和樊使君登城樓

餞王相公出牧

題靈祐和尚故居

尋龍井楊老

見李均借鏡

聞虞沔州有替將歸

第九卷

獻節度李相公

觀校獵上淮西相公

送皇甫曾

送李錄事兄歸

漢陽獻李相公

長沙過賈誼宅

酬辛大夫喜雪作

登餘干古縣城

畱題遠公院

喜量移贈鄭校書

偶逢李光宰

贈袁贊府

題褚少府湖亭

上巳日泛舟邪溪

哭故人李宥

使次安陸寄友人

哭陳歙州

酬屈突陝

送惠法師

寄元中丞

送侯中丞

別嚴士元

畱別淮南使院諸公

非所上御史惟則

文昭案作侍御是

送李使君

獄中聞有赦

溫湯客舍

送孫逸歸廬山

送馬秀才落第歸

送常十九

送宇文遷明府

送李將軍

西陵寄一上文

賦得

李明府後庭泛舟

喜朱拾遺赴任上都

送韋司士

感懷

送楊於陵

哭陳使君

送崔使君

上陽宮望幸

過裴舍人故居

北望故園

秋夜有懷

送孔巢父

登潤州萬歲樓附

送郭主簿赴嶺南

客舟喜鄭三見寄

送賈三北遊

齊一和尚影堂

第十卷

留別司倉李萬

聽笛歌

送范倫

小鳥篇上裴尹

登吳古城歌

疲兵篇

送陸澧歸江陽

弄白鷗歌

贈般若禪師

贈湘南漁父

尋賀九不遇

題孤石

送友人東歸二首

入桂渚

昭業當是一首可不注

送李康成

送姨子弟

銅雀臺

王昭君歌

送杜越

湘中憶歸

送鄭侍從之武陵

山鸚鵡歌

懷許法稜

戲贈干越尼子歌

第十一卷

冰賦

餞韋卿赴婺州序

餞蕭郎中赴潤

張僧繇畫僧記

祭蕭相公文

祭崔相公文

祭閻使君文

祭董兵馬使文

祭故吏行官文

鄭氏墓誌銘

劉隨州文集目錄



劉隨州文集

宋本十行十字

第一卷

逢雪宿芙蓉山主人

日暮蒼山遠天寒白屋貧柴門聞犬吠風雪夜歸人

送張起崔載華之閩中

朝無寒士達家在舊山負相送天涯裏憐君更遠人


贈秦系徵君

羣公誰讓位五柳獨知貧惆悵青山路煙霞老此人

秦系頃以家事獲謗因出舊山每荷觀察崔公

見知欲歸未遂感其流寓詩以贈之

隨州刺史劉長卿





初迷武陵路復出孟嘗門回首江南岸青山與舊恩  
夜中對雪贈秦系時秦初與謝氏離婚謝氏在  
越

月明花滿地君自憶山陰誰遣因風起紛紛亂此心  
湘妃

帝子不可見秋風來暮思嬋娟湘江水千載空蛾眉  
斑竹

蒼梧千載後斑竹對湘沅欲識湘妃怨枝枝滿淚痕  
春草宮懷古

君王不可見芳草舊宮春猶帶羅裙色青青向楚人  
正朝覽鏡作

今本作憔悴 何忍言或  
皆通認

憔悴逢新歲茅扉見舊春朝來明鏡裏不認白頭人  
瓜洲道中送李端公南渡後歸揚州道中寄  
片帆何處去匹馬獨歸遲惆悵江南北青山欲暮時

送張十八歸桐廬  
歸人乘野艇帶月過江村正落寒潮水相隨夜到門

過白鶴觀尋岑秀才不遇  
不知方外客何事鍊空房應向桃源裏教人喚阮郎

聽彈琴  
泠泠七絲上靜聽松風寒古調雖自愛今人多不彈

遊南國偶見在陰牆下葵因以成詠  
此地常無日青青獨在陰太陽偏不及非是未傾心

宋作不忍

時宋作歸

宋作他

入百丈澗見桃花晚開

百丈深澗裏過時花欲妍應緣地勢下遂使春風偏

送子婿崔真甫李穆往揚州 四首

李作真甫

渡口發梅花山中動泉脈蕪城春草生君作揚州客

其二

半邏鶯滿樹新年人獨還落花逐水流共到茱萸灣

其三

鴈還空渚在人去落潮翻臨水獨揮手殘陽歸掩門

其四

狎鳥攜稚子釣魚終老身殷勤囑歸客莫話桃源人

寄龍山道士許法稜

悠悠白雲裏獨住青山客林下晝焚香桂花同寂寂

送方外上人

孤雲將野鶴豈向人間住莫買沃洲山時人已知處

送靈澈上人

蒼蒼竹林寺杳杳鍾聲晚荷笠帶夕陽青山獨歸遠

茱萸灣北谷崔載華問

荒涼野店絕迢遞人煙遠蒼蒼古木中多是隋家苑

赴楚州次自田途中阻淺問張南史

楚城今近遠積靄寒塘暮水淺舟且遲淮潮至何處

江中對月

空洲夕煙斂望月秋江裏歷歷沙上人月中孤渡水

沃洲山今作州

過劉員外別墅

附皇甫曾

謝客開山後郊扉水去通  
江湖千里別衰老一樽同反  
照寒川滿平田暮雪空  
滄洲自有趣不復哭途窮

碧澗別墅喜皇甫侍御相訪

荒村帶返照落葉亂紛紛  
古路無行客寒山獨見君  
野橋經雨斷澗水向田分  
不爲憐同病何人到白雲

初到碧澗招明契上人

漸老知身累初寒曝背眠  
白雲留永日黃葉減餘年  
猿護窗前樹泉澆谷後田  
沃洲能共隱不用道林錢

送少微上人遊天台

石橋人不到獨往更迢迢  
乞食山家少尋鍾野路遙  
松

門風自掃瀑布雪難銷  
秋夜聞清梵餘音逐海潮

却歸睦州至七里灘下作

南歸猶謫宦獨上子陵灘  
江樹臨洲晚沙禽對水寒  
山開斜照在石淺亂流難  
惆悵梅花發年年此地看

對酒寄嚴維

陋巷喜陽和衰顏對酒歌  
懶從華髮亂閑任白雲多  
郡簡容垂釣家貧學弄梭  
門前七里瀨早晚子陵過

酬劉員外見寄

附嚴維

蘇耽佐郡時近出白雲司  
藥補清羸疾窗吟絕妙辭  
柳塘春水慢花塢夕陽遲  
欲識懷君意朝朝訪楫師

新年作

鄉心新歲切天畔獨潸然老至居人下春歸在客先嶺猿同旦暮江柳共風煙已似長沙傳從今又幾年

朱放自杭州與故相里使君立碑回因以奉簡  
吏部楊侍郎製文

片石羊公後淒涼江水濱好辭千古事墮淚萬家人鵬集占書久鸞回刻篆新不堪相顧恨文字日生塵

送宣尊師醮畢歸越

吹簫江上晚惆悵別茅君踏火能飛雪登刀入白雲晨香永日在夜磬滿山聞揮手桐溪路無情水亦分

送裴郎中貶吉州

亂軍交白刃一騎出黃塵漢節同歸闕江帆共逐臣猿

愁岐路晚梅作異方春知己鄴侯在應憐脫粟人

送裴使君赴荆南行軍司馬

盛府南門寄前程積水中月明臨夏口山晚望巴東故節辭江郡寒笳發渚宮漢川風景好遙羨逐羊公

寄劉員外

附皇甫曾

南憶新安郡千山帶夕陽斷猿知夜久秋夜助江長鬢

一作髮應成素索一作松筠青一作獨見霜愛才稱漢帝題

柱在田郎

酬皇甫侍御見寄時前相國姑臧公初臨郡

離別江南北汀洲葉再黃路遙雲共水砧迴月如霜歲儉依仁政年衰憶故鄉佇看宣室召漢法倚張綱

似通本作是

宋本誤是相

今本是注

月下呈章秀才

自古悲搖落誰人柰此何夜蛩偏傍枕寒鳥數移柯向  
老三年謫當秋百感多家貧惟好月空愧子猷過

酬劉員外

附章八元

夜分涼

一作

河漢白卷箔出南軒過月鴻爭遠辭枝葉暗

翻獨謠聞麗曲緩步接清言宣室思前席行看拜主恩

酬張夏

幾歲依窮海頽年惜故陰劒寒空有氣松老欲無心翫  
雪勞相訪看山正獨吟孤舟且莫去前路水雲深

送李使君貶連州

獨過長沙去誰堪此路愁秋風散千騎寒雨泊孤舟賈

誼辭明主蕭何識故侯漢庭當自召湘水但空流

秋夜北山精舍觀體如師梵

焚香奏仙唄向夕遍空山清切兼秋遠威儀對月閑靜  
分巖響谷散逐海潮還幸得風吹去隨人到世間

酬張夏雪夜赴州訪別途中苦寒作

扁舟乘興客不憚苦寒行晚暮相依分江潮欲別情水  
聲冰下咽砂路雪中平舊劒鋒銜盡應嫌贈脫輕

尋洪尊師不遇

古木無人地來尋羽客家道書堆玉按仙帔疊青霞鶴  
老難知歲梅寒未作花山中不相見何處化丹砂

喜鮑禪師自龍山至

故居山一作何日下春草欲芊芊猶對山中月誰聽石上泉猿聲知後夜花發見流年杖錫閑來往無心到處禪

送方外上人之常州依蕭使君

宰臣思得度鷗鳥戀為羣遠客迴飛錫空山臥白雲夕陽孤艇去秋水兩溪分歸共臨川史同翻貝葉文

宿北山禪寺蘭若

上方鳴夕磬林下一僧還密行傳人少禪心對虎閑青松臨古路白日滿寒山舊識窗前桂經霜更待一作攀

赴新安別梁侍郎

新安君莫問此路水雲深江海無行跡孤舟何處尋青山空向淚白月豈知心縱有餘生在終傷老病侵

江州畱別薛六柳八二員外

江海相逢少東南別處長獨行風嫋嫋相去水茫茫白首辭同舍青山背故鄉離心與潮信每日到尋陽

和州畱別穆郎中

播遷悲遠道搖落感衰容今日猶多難何年更此逢世交黃葉散鄉路白雲重明發看煙樹唯聞江北鍾

和州送人歸復郢

因家漢水曲相送掩柴扉故郢生秋草寒江淡落暉綠林行客少赤壁住人稀獨過尋陽去潮歸人不歸

送金昌宗歸錢唐

新家浙江上獨泛落潮歸秋水照華髮涼風生褐衣柴

門嘶馬少藜杖拜人稀惟有陶潛柳蕭條對掩扉  
酬張夏別後道中見寄

離羣方歲晏謫官在天涯暮雪同行及寒潮欲上遲海  
鷗知吏傲沙鶴見人衰只畏生秋草西歸亦未期  
新安奉送穆諭德歸朝賦得行字

九重宣室召萬里建溪行事直皇天在歸遲白髮生用  
材身復起覩聖眼猶明離別寒江上潺湲若有情

偶然作

野寺長依止田家或往還老農開古地夕鳥入寒山書  
劍身同廢煙霞吏共閑豈能將白髮扶杖出人閒  
送州人孫沅自本州却歸句章新營所居

何云鳥字佳用爰居避風  
文昭葉鳥字是

故里歸成客新家去未安詩書滿蝸舍征稅及漁竿火  
種山田薄星居海島一作鳥寒憐君不得已步步別離難

送李員外使還蘇州兼呈前袁州李使君賦得  
長字袁州即員外之從兄

別離共成怨一作共怨誠一作誠衰老更難忘夜月畱同舍秋風在  
遠鄉朱絃徐向燭白髮強臨觴歸獻西陵作誰知此路  
長

酬李員外從崔錄事載華宿三河戍先見寄

寒江鳴石瀨歸客夜初分人語空山峇猿聲獨戍聞遲  
來朝及暮愁去水連雲歲晚心誰在青山見此君  
見秦系離婚後出山居作

豈知偕老重垂老絕良姻郝氏誠難負朱家自愧貧綻  
衣畱欲故織錦罷經春何況靡蕪綠一作空山不見人

酬秦系

鶴書猶未至那出白雲來舊路經年別寒潮每日迴家  
空歸海燕人老發江梅最憶門前柳閑居手自栽

歲日作

建寅迴北斗看歷占春風律變滄江外年加白髮中春  
衣試稚子壽酒勸衰翁今日陽和發榮枯豈不同

題元錄事開元所居

幽居蘿薜情高臥紀綱行鳥散秋鷹下人閑春草生冒  
嵐歸野寺收印出山城今日新安郡因君水更清

送崔載華張起之閩中

不識閩中路遙知別後心猿聲入嶺切鳥道問人深旅  
食過夷落方言會越音西征開幕府早晚用陳琳

送張司直赴嶺南謁張尚書

番禺萬里路遠客片帆過盛府依橫海荒祠拜伏波人  
經秋瘴變鳥墜火雲多誠憚炎洲裏無如一顧何

寄會稽公徐侍郎公時在王傅

搖落淮南葉秋風想越吟鄒枚入梁苑逸少在山陰老  
鶴無衰貌寒松有本心聖朝難稅駕惆悵白雲深

送朱山人越州賊退後歸山陰別業

越州初罷戰江上送歸橈南渡無來客西陵自落潮空



城垂故柳舊業廢春苗閭里相逢少鶯花共寂寥

秋夜肅公房喜普門上人自陽羨山至

山棲久不見林下偶同遊早晚來香積何人住沃洲寒

禽驚後夜一作獨夜古木帶高秋却入千峯去孤雲不

可畱

送李祕書却赴南中

此公舉家先流嶺外兄弟數人俱沒南中

却到番禺日應傷昔所依炎洲百口住故國幾人歸路

識梅花在家存棣萼稀獨逢迴鴈去猶作舊行飛

過前安宜張明府郊居

寂寥東郭外白首一先生解印孤琴在移家五柳成夕

陽臨水釣春雨向田耕終日空林下何人識此情

何云安成即今實應此猶實應以前詩也

使迴次柳楊過元八所居

君家楊柳渡來往落帆過綠竹經寒在青山欲暮多薜

蘿誠可戀婚嫁復如何無柰開門外漁翁夜夜過歌

送李侍御貶郴州

洞庭波渺渺君去弔靈均幾路三湘水全家萬里人聽

猿明月夜看柳故年春想憶汀洲畔傷心向白蘋

寄普門上人

白雲寒臥處不向世人傳聞在千峯裏心知獨夜禪辛

勤羞薄祿依止愛閑田惆悵王孫草青青又一年

逢郴州使因寄鄭協律

相思楚天外夢寐楚猿吟更落淮南葉難為江上心衡

宋本作柳楊疑誤

宋本作憶想

陽問人遠湘水向君深欲逐孤帆去茫茫何處尋  
岳陽館中望洞庭湖

萬古巴丘戍平湖此望長問人何淼淼愁暮更蒼蒼疊  
浪浮元氣中流沒太陽孤舟有歸客早晚達瀟湘

去巡去岳陽却歸鄂州使院留別鄭洵侍御侍御

謫居北州

何事長沙謫相長一作逢楚水秋暮帆歸夏口寒雨對巴

丘帝子椒漿奠騷人木葉愁誰憐萬里外離別洞庭頭

夏口送屈突司直使湖南

共悲來夏口何事更南征霧露行人少瀟湘春草生鸞  
啼何處夢猿嘯若為聲風月新年好悠悠遠客情

此作北不通

三字使字本

此卷在吳江舟中手鈔到家第三日校是年丙申嘉平月之二十一日也東里盧文弨記

劉隨州文集

隨州刺史劉長卿

第二卷

雨中過員稷巴陵山居贈別

憐君洞庭上白髮向人垂積雨悲幽獨長江對別離  
牛羊歸故道猿鳥聚寒枝明發遙相望雲山不可知

送李中丞之襄州

李一作季一無  
襄州三字

流落征南將曾驅十萬師罷歸無舊業老去戀明時  
獨立三朝識輕生一劍知茫茫漢江上日暮復何之

奉使至申州傷經陷沒

舉目傷蕪沒何年此戰爭歸人失舊里老將守孤城廢

成山煙出荒田野火行獨憐泚水上時亂亦能清

穆陵關北逢人歸漁陽

逢君穆陵路。匹馬向秦乾。楚國蒼山古。幽州白日寒。城池百戰後。耆舊幾家殘。處處蓬蒿遍。歸人掩淚看。

安州道中經澧水有懷

征途逢澧水。忽似到秦川。借問朝天處。猶看落日邊。映沙晴漾漾。出澗夜濺濺。欲寄西歸恨。微波不可傳。

步登夏口古城作

平蕪連古堞。遠客此沾衣。高樹朝新一作光。上空城秋氣歸。微明漢水極。搖落楚人稀。但見荒郊外。寒鴉暮暮飛。

贈別盧司直之閩中

城近刻作山不通

爾來多不見。此去又何之。華髮同今日。流芳似舊時。洲

長春色。遍漢廣。夕陽遲。歲歲王孫草。空憐無處期。

酬郭夏口長沙感懷見贈

此公北經流竄親在上都

舊俗歡猶在。憐君恨獨深。新年向國淚。今日倚門心。歲

去隨湘水。春生近桂林。流鶯且莫弄。江畔正行吟。

赴南巴書情寄故人

南過三湘去。巴人此路偏。謫居秋瘴裏。歸處夕陽邊。直道天何在。愁容鏡亦憐。裁書欲誰訴。無淚可潸然。

餘干旅舍

搖落暮天迴。青楓霜葉稀。孤城向水閉。獨鳥背人飛。渡口月初上。鄰家漁未歸。鄉心正欲絕。何處搗寒衣。

文強案日疑衍今本作人日

登思禪寺題脩竹茂松

上方幽且暮臺殿隱蒙籠遠磬秋山裏清猿古木中衆  
溪連竹路諸嶺共松風儻許棲林下甘成白首翁

勅恩重推使牒追赴蘇州次前溪館作

漸入雲峰裏愁看驛路閑亂鷓投落日疲馬向空山且  
喜憐非罪何心戀末班天南一萬里誰料得生還

北歸次秋浦界清谿館

萬里猿啼斷孤村客暫依鴈過彭蠡暮人向宛陵稀舊  
路青山在餘生白首歸漸知行近北不見鷓鴣飛

謫官後却歸故村將過虎丘張然有作

萬事依然在無如歲月何邑人憐白髮庭樹長新柯故

老相逢少同官不見多唯餘舊山路惆悵枉帆過

重推後却赴嶺外待進止寄元侍郎

却訪巴人路難期國士恩白雲從出岫黃葉已辭根大  
造功何薄長年氣尚冤空令數行淚來往落湘沅

秋杪江亭有作

寂寞江亭下江楓秋氣斑一作越秋杪世情何處澹

一作湘水向人閑寒渚一孤鴈夕陽秋江千萬山扁舟

如將一作落葉此味去知還

送鄭司直歸上都

歲歲逢離別蹉跎江海濱宦遊成楚老鄉思逐秦人馬  
首歸何日鶯啼又一春因君報情舊閑慢欲垂綸

全本林

宋直下

下此本誤外不通

今作赴

因說本誤同不通

送靈澈上人歸嵩陽蘭若

南地隨緣久東林幾歲空暮山門獨掩春草路難通作  
梵連松韻焚香入桂叢唯將舊瓶鉢却寄白雲中

却赴南邑留別蘇臺知己

又過梅嶺上歲歲此枝寒落日孤舟去青山萬里看猿  
聲湘水靜草色洞庭寬已料生涯事唯應把釣竿

歸陽羨兼送劉八

附皇甫冉

湖上孤帆別江南謫宦歸前程行更遠臨水淚沾衣雲  
夢春生遍瀟湘客過稀武陵招我隱歲晚向柴扉

和靈一上人新泉

東林一泉出復與遠公期石淺寒一作石春流處山空夜

一作暮落時一作處空山夜月時夢閑聞一作歸細響慮澹對一作

向清漪動靜皆無意一作如此唯應達道一作者知

將赴江南湖上別皇甫曾

此去君何恨南行我更遙東西湖渺渺離別雨蕭蕭綠  
水通春谷青山過板橋尋陽如枉棹千里有歸潮一作

送李摯赴延陵令

清風季子邑想見下車時向水彈琴靜看山採菊遲明  
君加印綬廉使託惇嫠旦暮華陽洞雲峰若有期

奉送裴員外赴上都

彤襜江上遠萬里詔書催獨過尋陽去空憐潮信迴離  
心秋草綠揮手暮帆開想見秦城路人看五馬來

此疑北字  
今本北

長沙桓王墓下別李紆張南史

長沙千載後春草獨萋萋流水朝將暮行人東復西碑  
苔幾字滅山木萬株齊佇立傷今日相看惜解攜

送侯侍御赴黔中充判官

不識黔中路今看遣使臣猿啼萬里客鳥似五湖人地  
遠官無法山深俗豈淳須令荒徼外亦解懼埋輪

今日登吳公臺上寺遠眺寺即陳將吳明徹戰

場

古臺搖落後秋望鄉心野寺來人一作來少雲峰隔水

一作水隔深夕陽依舊壘寒磬滿空林惆悵南朝事長江獨

至今

長沙桓王墓下別李紆張南史

五

宋本脫侍字

期疑作改

淮上送梁二恩命追赴上都

賈生年最少儒行漢庭聞拜手卷黃紙迴身謝白雲故  
關無去客春草獨隨君森森長淮水東西自此分

送崔昇歸上都

舊寺尋遺緒歸心逐去塵早鶯何處客古木幾家人白  
髮經多難滄洲欲暮春臨期數行淚為爾一沾巾

過李將軍南鄭林園觀伎

郊原風日好百舌弄何頻小婦秦家女將軍天上人鴉  
歸長郭暮草映大綠一作堤春客散垂楊下通橋車馬塵

送嚴侍御充東畿觀察判官

洛陽征戰後君去問凋殘雲月臨南至霜風向北寒故

月當作日

送嚴侍御充東畿觀察判官

五

園經亂失古木隔鄉看誰訪江城客年年守一官  
送王端公入奏赴上都

舊國無家訪臨歧亦羨歸途經百戰後客過二陵稀秋  
草通征騎寒城背落暉行當蒙顧問吳楚歲頻饑

送營田判官鄭侍御赴上都

上國三千里西還及歲芳故山經戰在春日送歸長曉  
奏趨雙闕秋成報萬箱幸論開濟力已實海陵倉

送李校書赴東洲幕府

校書工於翰墨

方從大夫後南去會稽行淼淼滄江外青青春草生芸  
香辭職事梅吹聽軍聲應訪王家宅空憐江水平

清明後登城眺望

風景清明後雲山睥睨前百花如舊日萬井出新煙草  
色無空地江流合遠天長安在何處遙指夕陽邊

陪王明府泛舟

花縣彈琴暇樵風載酒時山含秋色近鳥度夕陽遲出  
沒鳥成浪蒙籠竹亞枝雲峰逐人意來去解相

奉送度支留後若侍御之歙州便赴信

國用憂錢穀朝推此任難卽山榆莢變降雨稻  
響朝登嶺江喧夜過灘遙知驄馬色應待倚門

餘干夜宴奉餞前蘇州韋使君

新安州作

復拜東陽郡遙馳北闕心行春五馬急向夜一猿深山  
過康郎近星看婺女臨幸容棲託分猶戀舊棠陰



晚次苦竹館却憶千越舊遊一作晚行  
匹馬風塵色千峰旦暮時遙看落日盡獨向遠山遲故  
驛花臨道荒村竹映籬誰憐却回首步步戀南枝

送李二十四移家之江州

煙塵猶一作滿目岐路易一作沾衣一作逋一作客多南渡

征一作春一作鴻自北飛九江春草綠一作東林一作靜一作千里暮潮歸

別後難一作誰一作相訪全家隱釣磯一作隱一作壘一作峯一作對掩扉

送盧判官南湖

漾舟仍載酒愧爾意相寬草色南湖綠松聲小署寒水  
禽前後起一作花嶼往來看已作滄洲調無心戀一官

送張栩扶持之睦州此公舊任建德令

皆疑當作陪宋本誤同

遙憶新安舊扁舟復却還淺深看水石來往逐雲山入  
縣餘花在過門故柳閑東征隨子去皆隱薜蘿間

集梁取開元寺所居院

到君幽臥處為我掃莓苔花雨晴天落松風終日來路  
經深竹過門向遠山開豈得長高枕中朝正用才

贈西鄰盧少府

籬落能相近漁樵偶復同苔封三徑絕溪向數家通犬  
吠寒煙裏鷓鳴夕照中時因杖藜次一作儻一作出一作相訪竹

林東

遊休禪師雙峰寺

雙扉碧峰際遙向夕陽開飛錫方獨往孤雲何事來寒

故字近本作過不解

今作註

亭近本作處不通

潭映白月秋雨上青苔相送東郊外羞看驄馬回

解中見桃花南枝已開北枝未發因寄杜副端

何意同根本開花每後時應緣去日遠獨自發春遲結

寶恩一作難忘望一作無言恨豈知年光不可待空羨向

南枝

奉送盧員外之饒州

天書萬里至旌旆上江飛日向鄱陽近應看吳岫微暮

帆何處落潮水背人歸風土無勞問南枝黃葉稀

送處士歸州因寄林上人

陵陽不可見獨往復如何舊邑雲山裏扁舟來去過鳥

聲春谷靜草色太湖多儻宿荆溪夜相思漁者歌

似此一守弓父宜

谷當作穀弓父

本係山

惟字疑衍宋本有

移使鄂州次峴陽館懷惟舊居

多慚思未報敢問路何長萬里通秋鴈千峰共夕陽舊

遊成遠道此去更違鄉草露深山裏朝朝落客裳

送齊郎中赴海州

華省占星動孤城望日遙直廬收舊草行縣及新苗滄

海天連水青山暮與朝閣閣幾家散應待下車招

重陽日鄂城樓送屈突司直

登高復送遠惆悵洞庭秋風景一作水同前古雲山滿上

游蒼蒼來暮雨森森逐寒流今日關中事蕭何共爾憂

更被奏留淮南送從弟罷使江東

又作淮南客還悲木葉聲寒潮落瓜步秋色上燕城王

疑有州字

惟今剛

宋本誤草路

事何時盡滄洲羨爾行青山將綠水惆悵不勝情

經漂母墓

昔賢懷一飯茲事已千秋古墓樵人識前朝楚水流  
渚蘋行客薦山木杜鵑愁春草茫茫綠王孫舊此遊

送李端公赴東都

軒轅征戰後江海別離長遠客歸何處平蕪滿故鄉  
夕陽帆杳杳舊里樹蒼蒼惆悵蓬山下瓊枝不可忘

送王員外歸朝

往來無盡日離別要逢春海內罹多事天涯見近臣  
芳時萬里客鄉路獨歸人魏闕心常在隨君亦向秦

送蔣侍御入秦

朝見及芳菲恩榮出紫微晚光臨仗奏春色共西歸  
楚客移家老秦人訪舊稀因君鄉里去為掃故園扉

洞庭驛逢郴州使還寄李湯司馬

洞庭秋水闊南望過衡峰遠客瀟湘裏歸人何處逢  
孤雲飛不定落葉去無蹤莫使滄浪叟長歌笑爾容

送舍弟之鄱陽居

鄱陽寄家處自別掩柴扉故里何人在滄波孤客稀  
湖山春草遍雲木夕陽微南去逢迴鴈應憐相背飛

送裴二十端公使嶺南

蒼梧萬里路空見白雲來遠國知何在憐君去未迴  
桂林無落葉梅嶺自花開陸賈千年後誰看朝漢臺

目字疑弓父 今本作日

過桃花夫人廟

寂寞應千歲桃花想一枝  
路人看古木江月向空祠  
雲雨飛何處山川是舊時  
獨憐春草色猶似憶佳期

鄂渚送池州程使君

蕭蕭五馬動欲別謝臨川  
落日蕪湖色空山梅冶野一作  
煙江潮通解舍楚老拜戈  
船風化東南滿行舟來去傳

送友人西上

羈心不自解有別會沾衣  
春草連天積平陵遠客歸十  
年經轉戰幾處便芳菲  
想見函關路行人去亦稀

送梁郎中赴吉州

遙想廬陵郡還聽叔度歌  
舊官移上象新令布中和看

竹經霜少聞猿帶雨多  
但愁徵拜日無奈借畱何

過湖南羊處士別業

一作來處  
別業

杜門成白首湖上寄生涯  
秋草蕪一作三徑寒塘獨一

家鳥歸村落盡水向縣城斜  
自有東籬菊年年解作花

一作愛汝醒還  
醉東籬菊正花

送河南元判官赴河南名御  
當苗稅充百官俸錢

春草長河曲離心共渺然  
方收漢家俸獨向汶陽田鳥

雀空城在榛蕪舊路還山東  
征戰苦幾處有人煙

夏中崔中丞宅見梅紅搖落  
一花獨開

何事一花殘閑庭百草闌  
綠滋經雨發紅豔隔林看竟

日餘香在過時獨秀難  
共憐芳意晚秋露未須團

勾避高宗嫌名了父

海江印海棠

使還至菱陂驛渡泚水作

清川已再涉疲馬共西還何事行人倦終年流水閑孤  
煙飛廣澤一鳥向空山愁入雲峰裏蒼蒼閉古關

送齊郎中典括州

星象移何處旌麾獨向東勸耕滄海畔聽訟白雲中樹  
色雙溪合猿聲萬嶺同石門康樂住幾里枉帆通

過隱空和尚故居

自從飛錫去人到沃洲稀林下期何在山中春獨歸踏  
花尋舊徑映竹掩空扉寥落東峰上猶堪靜者依

過蕭尚書故居見李花感而成詠

手植已芳菲心傷故徑微往年啼鳥至今日主人非滿

地誰當掃隨風豈復歸空憐舊陰在門客共沾衣

送表處士

閑田北川下靜者去躬耕萬里空江漢孤舟過郢城種  
荷依野水移柳待山鶯出處安能問浮雲豈有情

酬李侍御登岳陽見寄

想見孤舟去無由此路尋暮帆遙在眼春色獨何心綠  
水瀟湘闊青山郭杜深誰當北風至爲爾一開襟

丙申仲冬六日盧弓父閱

今作陸版

僻近本作外  
不通  
自白字以下  
東本誤以抄  
本補校

獨近本作  
動不通

劉隨州文集第二卷

隨州刺史劉長卿

第三卷

夏口送徐郎中歸朝

星象南宮遠風流上客稀九重思曉奏萬里見春歸棹  
發空江響城孤落日暉離心與楊柳臨水更依依

鄂渚聽杜別駕彈胡琴

文姬畱此曲千載一知音不解胡人語空畱一作愁楚客  
心聲隨邊草動意入隴雲深何事長江上蕭蕭出塞吟

過鸚鵡洲王處士別業

白首此為漁青山對結廬問人尋野笋畱客饋家蔬古

柳依沙發一作岸春苗帶雨鋤共憐芳杜色終日伴閑居

寄萬州崔使君令欽

時艱方用武儒者任浮沈搖落秋江暮憐君已峽深立  
門多白首蜀郡滿青襟自解書生詠愁猿莫夜吟

送馬秀才移家京洛便赴舉

自從爲楚客不復掃荆扉劍共丹誠在書隨白髮歸舊  
遊經亂靜後進識君稀空把相如賦何人薦禮闈

送南特進赴歸行營

聞道軍書至揚鞭不問家虜雲連白草漢月到黃沙汗  
馬河源飲燒羌隴坵遮翩翩新結束去逐李輕車

送道標上人歸南岳

悠然倚孤棹却憶臥中林江草將歸遠湘山獨往深白  
雲畱不住淥水去無心衡岳千峰亂禪房何處尋

送梁侍御巡永州

蕭蕭江雨暮客散野亭空憂國天涯去思鄉歲暮同到  
時猿未斷迴處水應窮莫望零陵路千峰萬木中

歲夜喜魏萬成郭夏雪中相尋

新年欲變柳舊客共霑衣歲夜猶難盡鄉春又獨歸寒  
燈映虛牖暮雪掩閑扉且莫乘船去平生相訪稀

送蔡侍御赴上都

遲遲立駟馬久客戀瀟湘明日誰同路新年獨到鄉孤  
煙向驛遠積雪去關長秦地看春色南枝不可忘

煙一作燈

後有萬成江亭此處疑非魏  
萬成文

宋作紅

立疑作丘  
宋本誤同

歸下疑有  
脫字

晦日陪辛大夫宴南亭

月晦逢休澣年光逐宴移  
早鶯留客醉春日為人遲  
莫草全無葉梅花遍壓枝  
政閑風景好莫比峴山時

送獨孤判官赴嶺

伏波初樹羽待爾靜川鱗  
嶺海看飛鳥天涯問遠人  
蒼梧雲裏夕青草嶂中春  
遙想文身國迎舟拜使臣

疑作瘴

長沙館中與郭夏對雨

長沙積雨晦深夏絕人幽  
潤上春衣冷聲連暮角愁  
雲橫全楚地樹暗古湘州  
香藹江天外空堂生百憂

陪辛大夫西亭宴觀妓

歌舞憐遲日旄麾映早春  
鶯窺隴西將花對洛陽人  
醉

州宋作洲  
藹近本作藹

花疑難引父

罷知何事恩深忘此身  
任他行雨去歸路裏香塵

題萬成江亭

蕭條方歲晏牢落對空洲  
才出時人右家貧湘水頭  
蒼山隱暮雪白鳥沒寒流  
不是蓮花府冥冥不可求

春過裴虬郊園

時裴不在  
因以寄之

郊原春欲暮桃李紛紛何處隨  
芳草留家寄白雲聽鶯情  
念友看竹恨無君長嘯高臺上  
南風冀爾聞

送韋贊善使嶺南

欲逐一作報樓船將方安弁服  
夷炎洲經瘴遠春水上瀧  
遲歲貢隨重驛年芳徧四時  
番禺靜無事空詠飲泉詩

送喬判官赴福州



揚帆向何處插羽逐征東夷落人煙迴王程鳥路通江  
流回瀾底山色聚閩中君去凋殘後應憐百越空

送李補闕之上都

獨歸西掖去難接後塵遊向日三千里朝天十二樓路  
看新柳夕家對舊山秋惆悵離心遠滄江空自流

送表明府之任

既有親人術還逢試吏年蓬蒿千里別村樹幾家全雪  
覆淮南道春生潁谷煙何時當位政相府待聞天

海鹽官舍早春

小邑滄洲吏新年白首翁一官如遠客萬事極飄蓬柳  
色孤城裏鶯聲細雨中羈心早已亂何事更春風

今作堂上

南海送徐二十七西上

家在橫塘曲那能萬里違門臨秋水掩帆帶夕陽飛傲  
俗宜紗帽干時倚布衣獨將湖上月相逐去還歸

曲阿對月別岑况徐說

金陵已蕪沒函谷復煙塵猶見南朝月還隨上國人白  
雲心自遠滄海意相親何事須成別汀洲欲暮春

送李侍御貶鄱陽

此公近由  
此州使迴

迴車仍昨日謫去已秋風干越知何處雲在只向東暮  
天江色裏田鶴稻花中却見鄱陽吏猶應舊馬驄

送路少府使東京便應制舉

時梁宋  
初失守

故人西奉使胡騎正紛紛舊國無來信春江獨送君五

今作應猶

宋本當字家  
位字疑疑作  
當報政  
位疑滄字

事進本作單  
不通

言凌白雪六翮向青雲誰念滄洲吏一作史忘機鷗鳥群

松江獨宿

洞庭初下葉孤客不勝愁明月天涯夜青山江上秋一  
官成白首萬里寄滄洲久被浮名繫能無愧海鷗

尋白石山真禪師舊草堂

惆悵雲山暮閉門獨不開何時飛杖錫終日閉蒼苔隔  
嶺春猶在無人燕亦來誰堪暝投處空復一猿哀

送行軍張司馬罷使迴

時危身赴敵事往任浮沈末路三江去當時百戰心春  
風吳苑綠古木剡山深千里滄波上孤舟不可尋

喜李翰自越至

南浮滄海上萬里到吳臺久別長相憶孤舟何處來春  
風催客醉江月向人開羨爾無羈束沙鷗獨不猜

非所畱繫寄張十四

不見君來久冤深意未傳冶長空得罪夷甫豈言錢直  
道天何在愁容鏡亦憐因書欲自訴無淚可潸然

送勤照和尚往睢陽赴太守請

燃燈傳七祖杖錫為諸侯來去雲無意東西水自流青  
山春滿目白月夜隨舟知到梁園下蒼生賴此遊

長門怨

何事長門閉珠簾只自垂月移深殿早春向後宮遲蕙  
草生閑地梨花發舊枝芳菲自思幸看著被風吹

過橫顧山人草堂

只見山相掩。誰言路尚通。人來千嶂外。犬吠百花中。細草香飄雨。垂楊閑飈風。却尋樵徑去。惆悵綠溪東。

送李校書適越謁杜中丞

江風處處盡。旦暮水空波。搖路行人去。雲山向越多。陳蕃懸榻待。謝客枉帆過。相見耶溪路。逶迤入薜蘿。

秋夜雨中諸公過靈光寺所居

晤語青蓮舍。重門閉夕陰。向人寒燭靜。帶雨夜鍾沈。一作深流水從他事。孤雲任此心。不能捐斗粟。終日愧瑤琴。

西亭夜燕喜評事兄拜會

猶是南州吏。江城又一春。隔簾湖上月。對酒眼中人。棘

亭宋誤庭

寺初銜命。梅仙已誤身。無心羨榮祿。唯待却垂綸。

尋南溪常山道人隱居

一路經行處。一作蒼一作苔見履痕。白雲依靜者。春草閉閑門。過雨看松色。隨山到水源。溪花與禪意。相對亦忘言。

者近本作  
諸不通

揚州雨中張十宅觀妓

夜色帶一作對春煙。燈花拂更燃。殘妝添石黛。豔舞落金鈿。掩笑頻欹扇。迎歌乍動絃。不知巫峽雨。何事海西邊。

赴宣州使院夜宴寂上人留辭前蘇州韋使君

白雲乖始願。滄海有微波。戀舊爭趨府。臨危欲負戈。春歸花殿暗。秋傍竹房多。耐可機心息。其如羽檄何。

送薛承矩秩滿北遊

匹馬向何處北遊殊未還寒雲帶飛雪日暮鴈門關一  
路傍汾水數州看晉山知君喜初服祇愛此身閑

餞別王十一南遊

望君煙水闊揮手淚沾巾飛鳥沒何處青山空向人長  
江一帆遠落日五湖春誰見汀洲上相思愁白蘋

送嚴維尉諸暨

嚴即越州人

愛爾文章遠還家印綬榮退公兼色養臨下帶鄉情喬  
木映官舍春山宜縣城應憐釣臺石閑却為浮名

留別劉八

附嚴維

中年從一尉自笑此身非道薄甘微祿時艱恥息機晨  
趨本鄉府畫<sub>畫</sub>偃故山扉但見干戈<sub>畢</sub>何妨更採薇

送李七之菴水謁張相公

惆悵青春晚慙懃濁酒壚後時長劍澀斜日片帆孤東  
閣邀才子南昌老<sub>通</sub>儒梁園舊相識誰憶臥江湖

送崔處士先識越

山陰好雲物此去又春風越鳥聞花裏曹娥想鏡中小  
江潮易滿萬井水皆通徒羨扁舟客微官事不同

奉陪使君西庭<sub>亭</sub>送淮西魏判官

得山字

羽檄催歸恨春風醉別顏能邀五馬送自逐一星還破  
竹從軍樂看花聽訟閑遙知用兵處多在八公山

獄中見壁畫佛

不謂銜冤處而能窺大悲獨棲叢棘下還見雨花時地

狹青蓮小城高白日遲幸親方便力猶畏毒龍欺  
送許拾遺還京

萬里辭三殿金陵到舊居文星出西掖卿月在南徐故  
里驚朝服高高捧詔書暫容乘駟馬誰許戀鱸魚

送張七判官還京觀省大夫之子

春蘭方可採此去葉初齊函谷鶯聲裏秦山馬首西庭  
闈新柏署門館舊桃蹊春色長安道相隨入禁闈

送孫瑩京監擢第歸蜀觀省

適賀一枝新旋驚萬里分禮闈稱獨步太學許能文征  
馬望春草行人看暮雲遙知倚門處江樹正氛氲

送史九赴任寧陵兼呈單父史八時監察五兄

初入臺

趨府弟聯兄看君此去榮春隨千里道河帶萬家城繡  
服棠花映青袍草色迎梁園脩竹在持贈結交情

臥病喜田九見寄

臥來能幾日春事已依然不解謝公意翻令靜者便庭  
陰殘舊雪柳色帶新年寂寞深村裏唯君相訪偏

重過宣峯寺山房寄靈一上人

西陵潮信滿島嶼入中流越客依風水相思南渡頭寒  
光生極浦暮雪映滄洲何事揚帆去空驚海上鷗

雲門寺訪靈一上人

所思勞日夕惆悵去西東禪客知何在春山到處同獨

有脫字

行殘雪裏相見白雲中請近東林寺窮年事遠公  
送陸羽之茅山寄李延陵

延陵衰草遍有路問茅山雞犬驅將去煙霞擬不還新  
家彭澤縣舊國穆陵關處處逃名姓無名亦是閑

寄靈一上人初還雲門

寒霜白雲裏法侶自相攜竹逕通城下松風隔水西方  
同沃洲去不作武陵迷髣髴知心處高峯是會稽

寄靈一上人

高僧本姓竺門士舊名林一去春山裏千峯不可尋新  
年芳草遍終日白雲深欲徇微官去懸知訝此心

送韓司直

此篇亦作  
皇甫冉

疑開士  
今作開

遊吳還入越來往任風波復送王孫去其如春草何岸  
明殘雪在潮滿夕陽多季子遺畱廟停舟試一過

酬李郎中夜登蘇州城樓見寄

辛勤萬里道蕭索九秋殘日照閩中夜天凝海上寒客  
程無地遠主意在人安遙寄登樓作空知行路難

送人遊越

未習風波事初為吳越遊露沾湖色曉月照海門秋梅  
市門何在蘭亭水尚流西陵待潮處落日滿航州

贈普門上人

支公身欲老長在沃洲多惠力堪傳教禪心久伏魔山  
雲隨坐夏江草伴頭陀借問迴心後賢愚去幾何

紹興杭州

自此至送張判  
官罷使共十篇  
宋本乃屬增板

送康判官往新安

不向新安去那知江路長  
猿聲近廬霍水色勝瀟湘  
驛路收殘雨漁家帶夕陽  
何須愁旅泊使者在輝光

宿洞靈觀

附皇甫冉

孤煙靈洞遠積雪暮山寒  
松柏凌高殿莓苔封古壇  
寒來清夜久仙去白雲殘  
明月開金籙焚香入木蘭

送顧長

由來山水客復道向新安  
半是乘潮便全非行路難  
晨裝林月在野飯浦沙寒  
嚴子千年後何人釣舊灘

九日登李明府北樓

九日登高望蒼蒼遠樹低  
人煙湖草裏山翠縣樓西  
霜

降鴻聲切秋深客思迷  
無勞白衣酒陶令自相攜

同諸公登樓

秋草行將暮登樓客思驚  
千家同霽色一鴈報寒聲  
北望無鄉信東遊滯客行  
今君佩銅墨還有越鄉情

送友人南遊

不愁尋水遠自愛逐連山  
雖在春風裏猶從芳草間  
去程何用計勝事且相關  
旅逸同群鳥悠悠往復還

送裴二十一

多病長無事開筵暫送君  
正愁帆帶雨莫望水連雲  
客思閑偏極川程遠更分  
不須早晚惆悵又離群

送張判官罷使東歸

計應有與皇甫冉後之作而舊本亦云矣

宋本缺近本有論字

白首辭知己。滄洲憶舊居。落潮迴野艇。積雪臥官廬。范  
叔寒猶在。周王歲欲除。春山數畝地。歸去帶經鋤。

早春

微雨夜來歇。江南春色迴。本驚時不住。還恐老相催。人  
好千場醉。花無百日開。豈堪滄海畔。為客十年來。

送青苗鄭判官歸江西

三苗餘古地。五稼滿秋田。來問周公稅。歸輸漢俸錢。江  
城寒背日。湓水暮連天。南楚凋殘後。疲民賴爾憐。

丙申十一月十四日東里弓父閱日短事完苦於不給

劉隨州文集第三卷

劉隨州文集

隨州刺史劉長卿

第四卷

過包尊師山院

賣藥曾相識。吹簫此復聞。杏花誰是主。桂樹獨畱君。漱  
玉臨丹井。圍碁訪白雲。道經今為寫。不慮惜鵝羣。

故女道士婉儀太原郭氏挽歌詞

作範宮闈睦。歸真道藝超。馭風仙路遠。落日帝宮遙。鸞  
殿空畱處。霓裳已罷朝。淮王哀不盡。松柏但蕭蕭。

其二

宮禁恩常隔。神仙道已分。人間驚早露。天上失朝雲。逝



水年無恨佳城日易曛  
簫聲將薤曲哀斷不堪聞

少年行

射飛誇侍獵行樂愛聯鑣  
薦枕青蛾豔鳴鞭白馬驕  
曲房珠翠合深巷管絃調  
日晚春風裏衣香滿路飄

歸戈陽山居畱別盧邵二侍御

渺渺歸何處  
泂流附客船  
久依鄱水住  
頻稅越人田  
偶俗機偏少  
安閑性所便  
祇應君少慣  
又欲寄林泉

赴江西湖上贈皇甫曾之宣州

莫恨扁舟去  
川途我更遙  
東西潮渺渺  
離別雨蕭蕭  
流水通春谷  
青山過板橋  
天涯有來客  
遲爾訪漁樵

湘中紀行十首

湘妃廟

荒祠古木暗  
寂寂此江濱  
未作湘南雨  
知爲何處雲  
苔痕斷珠履  
草色帶羅裙  
莫唱迎仙曲  
空山不可聞

斑竹巖

蒼梧在何處  
斑竹自成林  
點點畱殘淚  
枝枝寄此心  
寒山響易滿  
秋水影偏深  
欲覓樵人路  
蒙籠不可尋

洞山陽

舊日仙成處  
荒村客到稀  
白雲將犬去  
芳草任人歸  
空容無行徑  
深山少落暉  
桃園源幾家住  
誰爲掃荆扉

雲母溪

雲母映溪水  
溪流知幾春  
深藏武陵客  
時過洞庭人  
白

桃園未詳  
昭疑是桃源  
今本作源

宋本應下  
缺二字

髮漸皎鏡清光媚  
齋淪寥寥古松下  
歲晚掛頭巾

赤沙湖

茫茫葭葦外一望一  
霑衣秋水連天闊  
洛陽何處歸沙鷗  
積暮雪川日動寒暉  
楚客來相問孤舟泊  
釣磯

秋雲嶺

山色無定姿如煙復  
如黛孤峯夕陽後  
翠嶺秋天外雲起  
遙蔽虧江迴頻向背  
不知今遠近到處猶  
相對

花石潭

江楓日搖落轉愛寒  
潭靜水色淡如空  
山光復相映人閑  
流更慢魚戲波難定  
楚客往來多偏知  
白鷗性

石圍峯

昭疑偏  
今作偏

前山帶秋色獨往秋  
江晚疊嶂入雲多  
孤峯去人遠寅緣  
不可到蒼翠空在眼  
渡口問漁家桃源路  
深淺

今作寅

浮石瀨

秋月照瀟湘月明間  
盪漿石橫晚瀨急  
水落寒沙廣眾嶺  
猿嘯重空江人語響  
清暉朝復暮如待扁  
舟賞

重近本作同  
不通

橫龍渡

空傳古岸下曾見蛟  
龍去秋水晚沈沈  
獨疑在何處亂聲  
沙上石倒影雲中  
樹獨見一扁舟樵人  
往來渡

雜詠八首上禮部李侍郎

幽琴

月色滿軒白琴聲宜  
夜闌颺颺青絲上  
靜聽松風寒古

調雖自愛今人多不彈向君投此曲所貴知音難

晚桃

四月深澗底桃花方欲然寧知地勢下遂使春風偏此  
意頗堪惜無言誰為傳過時君未賞空媚幽林前

疲馬

玄黃一疲馬筋力盡胡塵驤首北風夕徘徊鳴向人誰  
憐棄置久却與駕駘親猶戀長城外青青寒草春

春鏡

寶鏡凌曙開含虛淨如水獨懸秦臺上萬象清光裏豈  
慮高鑒偏但防流塵委不知娉婷色回照今何似

古劍

龍泉閉古匣苔蘚淪此地何意久藏鋒翻令世人棄鐵  
衣今正澀寶刃猶可試儻遇拂拭思應知剽犀利

舊井

舊井依舊城寒泉深洞徹下看百餘尺一鏡光不滅素  
綆久未垂清涼尚含潔豈能無汲引長訝君思絕

白鷺

亭亭常獨立川上時延頸秋水寒白毛夕陽翬孤影幽  
姿閑自媚逸翮思一騁如有長風吹青雲在俄頃

寒缸

向夕燈稍進空堂彌寂寞光寒對愁人時復一花落但  
恐明見累何愁暗難托戀君秋夜永無使蘭膏薄

寒疑作寒

虛近本作暉  
不通

刃近本作刀  
不通

寄李侍御

舊國人未歸芳洲草還碧年年湖上亭悵望江南客  
駉馬入關西白雲獨何適相思煙水外唯有心不隔

晚泊湘江懷故人

天涯片雲去遙指帝鄉憶惆悵增暮情瀟湘復秋色  
扁舟宿何處落日羨歸翼萬里無故人江鷗不相識

過鄔三湖上書齋

何事東南客忘機一釣竿酒香開甕老湖色對門寒  
向郭青山送臨池白鳥看見君能浪跡予亦厭微官

月下聽砧

夜靜掩寒城清砧發何處聲聲搗秋月腸斷盧龍戍未

當發在渡水之後今從目錄於此

得一作寄征人愁霜復愁露

從軍六首

回首虜騎合城下漢兵稀白刃兩相向黃雲愁不飛  
手中無尺鐵徒欲穿重圍

其二

目極鴈門道青青邊草春一身事征戰匹馬同辛勤  
末路成白首功歸天下人

其三

倚劔白日暮望歸登戍樓北風吹羌笛此夜關山愁  
迴首不無意滹河空自流

其四

黃沙一萬里白首無人憐報國劍已折歸鄉身幸全單  
于古臺下邊色寒蒼然

其五

落日更蕭條北風動枯草將軍追虜騎夜失陰山道戰  
敗仍樹勳韓彭但空老

其六

秋草秋塞上望見漁陽郭胡馬嘶一聲漢兵淚雙落誰  
為吮瘡者此事今人薄

龍門八詠

關口

秋山日搖落秋水急波瀾獨見魚龍氣長令煙雨寒誰

三字照  
別本補

只全唐詩錄有此字疑去  
增

窮造化力空向兩崖看

水東渡

山葉傍崖赤千峯秋色多夜泉發清響寒渚生微波稍  
見沙上月歸人爭渡河

福公塔

寂寞對伊水經行長未還東流自朝暮千載空雲山誰  
見白鷗鳥無心洲渚間

遠公龕

松路向精舍花龕歸老僧閑雲隨錫杖落日低金繩入  
夜翠微裏千峯明一燈

石樓

隱隱見花閣隔河映青林水田秋鴈下山寺夜鐘深寂  
冥羣動息風泉清道心

下山

誰識往來意孤雲長自閑風寒未渡水日暮更看山木  
落衆峯出龍宮蒼翠閒

水西渡 一作西渡水

伊水搖鏡光纖鱗如不隔千龕道傍古一鳥沙上白何  
事選 一作山雲寒一作能畱向城客

渡水

日暮下山來千山暮鐘發不知波上棹還弄山中月伊  
水連白雲東南遠明滅

送丘爲赴上都

帝鄉何處是歧路空垂泣楚思愁暮多川程帶潮急潮  
歸人不歸獨向空塘立

題大理黃主簿湖上高齋

閉門湖水畔自與白鷗親竟日窗中岫終年林下人俗  
輕儒服弊家厭法官貧多雨茅簷夜空洲草徑深桃源  
君莫愛且作漢朝臣

平番曲 三首

吹角報番營迴軍欲洗兵已教清海外自築漢家城

又

渺渺成煙孤茫茫寒草枯隴頭那用閑萬里不防胡

又

絕漠大軍還平沙獨戍閑空留一片石萬古在燕山

送鄭說之歙州謁薛侍郎

漂泊來千里謳謠滿百城漢家尊太守魯國重諸生俗  
變人難理江傳水至清紅經危石住路入亂山行老得  
滄洲趣春傷白首情嘗聞馬南郡門下有康成

諸近本作儒不通

題獨孤使君湖上林亭

出樹倚朱闌吹鏡引上官老農持鋤拜時稼捲簾看水  
對登龍淨山當建隼寒夕陽湖草動秋色渚田寬渤海  
人無事荊州客獨安謝公何足比來往石門難

水下本每二字

酬李使君見贈

滿鏡悲華髮空山寄此身白雲家自有黃卷業長貧懶

石末誤古

任垂竿老狂因釀黍春桃花迷聖代桂樹狎幽人幢蓋  
方臨郡柴荆忝作鄰但愁千騎至石路却生塵

送嚴維赴河南充嚴中丞幕府

久別取溪客來乘使者軒用才榮八幕扶病喜同樽山  
屐畱何處江帆去獨翻暮情辭鏡水秋夢識雲門蓮府  
開花萼桃園寄子孫何當舉嚴助徧沐漢朝恩

贈別

附嚴維

早見登郎署同時跡下僚幾年江路永今日國門遙文  
變騷人體官移漢帝朝望山吟度日接枕話通宵萬里  
趨公府孤帆恨信潮匡時知己老聖代恥逃堯

今作偏

嶺下臥疾寄劉員外  
附包佶

唯有貧將病能令親愛疎歲時供放逐身世付空虛脛  
弱愁添絮頭風曉癢梳波瀾喧衆口藜藿靜吾廬喪馬  
思開卦占鴉懶發書十年江海隔離恨子知予

酬包諫議見寄之作

佐郡愧頑疎殊方親里閭家貧寒未度身老歲將除過  
雪山僧至依陽野客舒藥陳隨遠宦梅發對幽居落日  
棲鴉鳥行人遺鯉魚高文不可和空愧學相如

棲霞寺東峯尋南齊明徵明故居

山人今不見山鳥自相從長嘯辭明主終身臥此峯泉  
源通石徑磳戶掩塵容古墓依寒草前朝寄老松片雲

依刻作疑誤

生斷壁高壑遍疎鍾惆悵空歸去猶疑林下逢

奉和趙給事使君畱贈李婺州舍人兼謝舍人

別駕之作

便道訪情親東方千騎塵禁深分直夜地遠獨行春絳  
闕辭明主滄洲識近臣雲山隨候吏雞犬逐歸人庭顧  
婆婆老邦傳蔽芾新玄暉翻佐理聞到郡齋頻

行營酬呂侍御時尚書問罪襄陽軍次漢東境  
上侍御以州鄰寇賊復有水火迫於征稅詩以

見諭

不敢淮南臥來趨漢將營受辭瞻左鉞扶疾拜前旌井  
稅鶉衣樂壺漿鶴髮迎水歸餘斷岸烽至掩孤城晚日



歸千騎秋風合五兵孔璋才素健早晚檄書成

登遷仁樓訓壻李穆

臨風敞麗譙落日聽吹鏡歸路空回首新章已在腰非  
才受官謗無政作人謠儉歲安三戶餘年寄六條春蕪  
先楚國古樹過隋朝賴有東床客池塘免寂寥

別李氏女子

念爾嫁猶近稚年那別親臨岐方教誨所貴和六姻俛  
首戴荆釵欲拜淒且顛本來儒家子莫恥梁鴻貧漢川  
若可涉水清石磷磷天涯遠鄉婦月下孤舟人

長沙早春雪後臨湘水呈同遊諸子

汀洲暖漸渌煙景淡相和舉目方如此歸心豈柰何日

華浮野雪春色染湘波北渚生芳草東風變舊柯江山  
古思遠猿鳥暮情多君問漁人意滄浪自有歌

自道林寺西入石路至麓山

寺過法崇禪師故居

山僧候谷口石路拂莓苔深入泉源去遙從樹杪回香  
隨青靄散金過白雲來野雪空齋掩山風古殿開桂寒  
知自發松老問誰栽惆悵湘江水何人更渡杯

和袁郎中破賊後軍行過剡中山水謹上太尉

即李光弼

郊路除荆棘王師罷鼓鼙農歸滄海畔圍解赤城西赦  
罪春陽發收兵太白依遠峯來白首橫笛入猿啼蘭渚  
催新幄桃源識故蹊已聞開閣待誰許臥東溪

今本例大字是

宋作行

送鄭十二還廬山別業

得陽數畝宅歸臥掩柴關谷口何人待一作門前秋草  
閑忘機賣藥罷無語杖藜還舊荀成寒竹空齋向暮山  
水流經舍下雲去到人間桂樹花應發因行寄一攀

至饒州尋陶十七不在寄贈

謫宦投東道逢君已北轅孤蓬向何處五柳不開門去  
國空迴首懷賢欲訴冤梅枝看嶺嶠竹路過湘源月下  
高秋鴈天南獨夜猿離心與流水萬里共朝昏

今作沅

奉陪鄭中丞自宣州解印與諸姪宴餘干後谿

跡遠一作意心遠一作觀親魚鳥功成厭鼓鼙林中阮生集一作  
池上謝公題戶牖垂藤合藩籬插槿齊一本

無此

二句一作門徑蒼苔合牕陰綠篠夕陽山向背春一作  
低一作深巷行人少開門卧柳依

草水東西度雨諸峯出看花幾路迷一作高原何勞問

秦漢更入武陵谿後四句一本作舊架懸藤老疎籬插

作煙

丙申十一月二十二日閱嚴給事自關中歸於三原王端毅家抄得王深寧集鄭康成

尚書論語注賈服左氏注見示

劉隨州文集第四卷

劉隨州文集

隨州刺史劉長卿

第五卷

同諸公袁郎中宴筵喜加章服

手詔來筵上腰金向粉圍勲名傳舊閣蹈舞著新衣白  
杜同遊在滄洲此會稀寒笳發後殿秋草送西歸世難  
常摧敵時閑已息機魯連功可讓千載一相揮

毗陵送鄒結先赴河南充判官

王事相逢少雲山柰別何芳年臨水怨瓜步上潮過客  
路方經楚鄉心共渡河凋殘春草在離亂故城多罷戰  
逢時泰輕徭佇俗和東西此分手惆悵恨煙波

今作聞

潮宋誤湖

送徐大夫赴廣州

上將壇場拜南荒羽檄招遠人來百越元老事三朝霧  
繞龍山暗山連象郡遙路分江淼淼軍動馬蕭蕭畫角  
知秋氣樓船逐暮潮當令輸貢賦不使外夷驕

九日蔡國公主樓

主第人何在重陽客暫尋水餘龍鏡色雲罷鳳簫音暗  
脯藏昏曉蒼苔換古今晴山卷幔出秋草閉門深籬菊  
仍新吐庭槐尚舊陰年年畫梁燕來去豈無心

送荀八過山陰舊縣兼寄剡中諸官

訪舊山陰縣扁舟到海涯故林嗟滿歲春草憶佳期晚  
景千峰亂晴江一鳥遲桂香留客處楓暗泊舟時舊石

曹娥篆空山夏禹祠剡谿多隱吏君去道相思

奉饒元侍郎加豫章採訪兼賜章服初時節州亦

任重兼烏府時平偃豹韜澄清湘水變分別楚山高花

對彤檐發霜和白雪操黃金裝舊馬青草換新袍嶺暗

猿啼月江寒鷺映濤豫章生宇下無使翳蓬蒿

奉饒郎中四兄罷餘杭太守承恩加侍御史充

行軍司馬赴汝南行營

星使三江上天波萬里通權分金節重恩借鐵冠雄梅

吹前軍發棠陰舊府空殘春錦障外初日羽旗東岸柳

遮浮鷁江花隔避驄離心在何處芳草滿吳宮

送賈侍御克復後入京一作江南京

對酒心不樂見君動行舟回看暮帆隱獨向空江愁晴  
雲淡初夜春塘深慢流溫顏風霜霽喜氣烟塵收馳驛  
數千里朝天十二樓因云報親愛白髮生滄洲

會稽王處士草堂壁畫衡霍諸山一本附增十四句

可

粉壁一作愛此衡霍近羣峰卷一作簾如可攀能令堂上客見盡

湖一作相作南山青翠數千仞一作萬飛來方丈間歸雲無

處滅去鳥何時還勝事日相對主人常獨閑稍看林壑

晚一作滿四一作青壁陰佳氣生重關一本增願與宿心會

惠福寺與陳留諸官茶會得西字

到此機事遣自嫌塵網迷因知萬法幻興與浮雲齊踈

竹映高枕空花隨杖藜香飄諸天外日隱雙林西傲吏  
方見狎真僧宰相攜能令歸客意不復還東溪

金陵西泊舟臨江樓

蕭條金陵郭舊是帝王州日暮望鄉處雲邊江樹秋楚  
雲不可託楚水只堪愁行客千萬里滄波朝暮流迢迢  
洛陽夢獨卧清川樓異鄉共如此孤帆難久遊

題靈祐上人法華院木蘭花其樹嶺南移植此地

庭種南中樹年度華幾新已依初地長獨發舊園春映  
日成華蓋搖風散錦茵色空榮落處香醉徃來人齒齒  
千燈遍芳菲一雨均高柯儻爲楫渡海有良因

宿嚴維宅送包佶

江湖同避地分首自依依盡室今為客驚秋空念歸歲  
儲無別墅寒服羨隣機草色村橋晚蟬聲江樹稀夜深  
宜共醉時難忍相違何事隨陽雁汀洲忽背飛

送從弟貶袁州

何事成遷客思歸不見鄉遊吳經萬里弔屈向三湘水  
與荆巫接山連鄢郢長名差黃綬繫身是白眉郎獨結  
南枝恨應思北鴈行憂來沽楚酒左鬢莫凝霜

無錫東郭送友人遊越

客路風霜曉郊原春興餘平蕪不可望遊子去何如煙  
水乘湖闊雲山逼越初舊都懷作賦古穴覓藏書碑缺  
曹娥宅林荒逸少居江湖無限意非獨為樵漁

湖疑潮

今作老

誤

送邠州判官往南

看君發原隰駟馬志皇皇始罷滄江令還隨粉署郎海  
沂軍未息河兗歲仍荒征稅人全少榛蕪虜近亡新知  
行宋遠相望隔淮長早晚裁書寄銀鈎字八行

出豐縣界寄韓明府

迴首古原上未能辭故鄉西風收暮雨隱隱分芒碭賢  
友此為邑令名滿徐方音容想在眼暫若升琴堂疲馬  
顧春草行人看夕陽自非傳尺素誰為論中腸

別陳畱諸官

戀此東道主能令西上遲徘徊暮郊別惆悵秋風時上  
國邈千里夷門難再期行人望落日歸馬嘶空波不愧

寶刀贈惟懷瓊樹枝奇塵倘未接夢寐徒相思

觀李湊所畫美人障子

愛爾有殊姿丹青有殊智無間已得象象外更生意西  
子不可見千載無重還空令浣紗態猶在含毫間一笑  
豈易得雙蛾如有情窓風不舉袖但覺羅衣輕華堂翠  
幙春風來內閣金扉曙色開比中一見亂人目只疑行  
到雲陽臺

沙當作紗

送史判官奏事之靈武兼寄巴西親故

中州日紛梗天地何時泰獨有西歸心遙懸夕陽外故  
人奉章奏此去論利害陽鴈南渡江征驂去相背因君  
欲寄遠何處問親愛空使滄洲人相思減衣帶

自鄱陽還道中寄褚徵君

南風日夜起萬里孤帆漾元氣連洞庭夕陽落波上故  
人煙水隔復此遙相望江信久寂寥楚雲獨惆悵愛君  
清川口弄月時掉唱白首無子孫一生自踈曠

石梁湖陸兼

故人千里道滄波十年別夜上月明樓相思楚天闊瀟  
瀟清秋暮嫋嫋涼風發湖色淡不流沙鷗遠還滅煙波  
日已遠音問日已絕歲晏空含情江皋綠芳歇

送沈少府之任淮南

惜君滯南楚枳棘徒棲鳳獨與千里帆春風遠相送此  
行山水好時物亦應衆一鳥飛長淮百花滿雲夢相期

今作掉

今作音是

文昭案古但作沙不作紗  
今本下四句乃在他卷出其  
題則同

丹霄路遙聽清風頌勿為州縣卑時來自為用

嚴子瀨東送馬處道歸蘇

望君舟已遠落日潮未退目送滄海帆人行白雲外江  
中遠回首波上生微靄秋色姑蘇臺寒流子陵瀨相送  
苦易散動別知難會從此日相思空令減衣帶

宿懷仁縣南湖寄東海荀處士

向夕斂微雨晴開湖上天離人正惆悵新月愁嬋娟佇  
立白沙曲相思滄海邊浮雲自來去此意誰能傳一水  
不相見千峰隨客船寒塘起孤鴈夜色分鹽田時復一  
延首憶君如眼前

北遊酬孟雲卿見寄

忽忽忘前事事願能相乖衣馬日羸弊誰辨行與才善  
道居貧賤潔服蒙塵埃行行無定止壞坎難歸來慈母  
憂疾疹室家念棲萊幸君夙姻親深見中外懷俟子惜  
時節悵望臨高臺

初至洞庭懷霸陵別業

長安邈千里日夕懷雙闕已是洞庭人猶看霸陵月誰  
堪去鄉意親戚想天末昨夜夢中歸煙波覺來闕江臯  
見芳草孤客心欲絕豈訝青春來但傷經時別長天不  
可望鳥與浮雲沒

題蕭郎中開元寺新構幽寂亭

康樂愛山水賞心千載同結茅依翠微伐木開蒙籠孤

瀨今作灘

今作荀

壞宋誤懷

看宋誤月

權字不注  
御名未解



峰倚青霄一徑去不窮候客石苔上禮僧雲樹中曠然  
見滄洲自遠來清風五馬畱谷口雙旌薄煙虹沈沈衆  
香積眇眇諸天空獨往應未遂蒼生思謝公

同姜濬題裴式微餘干東齋

世事終成夢生涯欲半過白雲心已矣滄海意如何藜  
杖全吾道榴花養太和春風騎馬醉江月釣魚歌散帙  
看蟲蠹開門見雀羅遠山終日在芳草傍人多吏體莊  
生傲方言楚俗訛屈平君莫吊腸斷洞庭波

贈元容州

擁旌臨合浦上印臥長沙海徼長無戍湘山獨種畬政  
傳通歲貢才惜過年華萬里依孤劍千峰寄一家累徵

期旦暮未起戀煙霞避世歌芝草休官醉菊花舊遊如  
夢裏此別是天涯何事滄波上漂漂逐海槎

夏口送長寧楊明府歸荆南因寄幕府諸公

關西楊太尉千載德猶聞白日俱終老清風獨至君身  
承遠祖遺一作後才出衆人羣舉世貪荆玉全家戀楚雲  
向煙帆杳杳臨水葉紛紛草覆招丘綠江從夏口分高  
名先盛府異姓寵殊勲百越今無事南征欲罷軍

奉和杜相公新移長興宅呈元相公

閒世生賢宰同心奉至尊功高開北第機靜灌中園入  
並蟬冠影歸分騎士喧窻聞漢宮漏家識杜陵源獻替  
常焚藁優閑獨對萱花香逐荀令草色對王孫有地先

開閣何人不掃門江湖難自退明主託元元

湖南使還畱辭辛大夫

王師勞近甸兵食仰諸侯天子無南顧元勳在上游大  
才生間氣盛業極橫流風景隨搖筆山川入運籌羽觴  
交餞席旄節對歸舟鶯識春深恨猿知日去愁別離花  
寂寂南北水悠悠唯有家兼國終身去所憂

泛曲阿後湖簡同遊諸公

元氣浮積水沈沈深不流春風萬頃綠映帶至徐州爲  
客難適意逢君方暫遊黃緣白蘋際日暮滄浪舟渡口  
微月進林西殘雨收水雲去仍溼沙鶴鳴相畱且習子  
陵隱能忘生事憂此中深有意非爲釣魚鉤

極本作極

閣宋誤閣

冬夜宿揚州開元寺烈公房送李侍御之江東  
遷客投百越窮陰淮海凝中原馳困獸萬里棲飢鷹寂  
寂蓮宇下愛君心自弘空堂來霜氣永夜清明燈發後  
望煙水相思勞寢興暮帆背楚郭江色浮金陵此去爾  
何恨近名予未能爐峰若便道爲訪東林僧

南楚懷古

南國久蕪沒我來空鬱陶君看章華宮處處生蓬蒿但  
見陵與谷豈知賢與豪精魂托古木寶劍捐江臯倚棹  
下晴景回舟隨晚濤碧雲暮寥落湖上秋天高往事那  
堪問此心徒自勞獨餘湘水上千載聞離騷

上湖田館南樓憶朱晏

寶近本作

漂泊日復日洞庭今更秋白雲如有意萬里隨孤舟何  
事愛成別空令登此樓天光映波動月影隨江流鶴唳  
靜寒渚猿啼深夜洲歸期誠已促清景仍相畱頃者慕  
獨徃爾來悲遠遊風波自此去桂水空離憂

送姚八之句容舊任便歸江南

一本作送姚八歸江南

故人還水國春色動離憂碧草千萬里滄海朝暮流桃  
花迷舊路萍葉蕩歸舟遠戍看京口空城問石頭折芳  
佳麗地望月西南樓猿鳥共孤嶼煙波連數州誰家過  
楚老何處戀江鷗尺素能相報湖山若箇幽

睢陽贈李司倉

白露變時候蚤聲暮秋秋飄飄洛陽客惆悵梁園秋只

為乏生計爾來成遠遊一身不家食萬事從人求且喜  
接餘論足堪資小畱寒城落日後砧杵令人愁歸路歲  
時盡長河朝夜流非君深意顧誰復能相憂

杪秋洞庭中懷亡道士謝太虛

漂泊日復日洞庭今更秋青楓亦可意此夜催人愁惆  
悵客中月徘徊江上樓心知楚天遠送滄波流羽客  
久已歿微言無處求空餘白雲在容與隨孤舟千里杳  
難望一身當獨遊故園復何許江海徒遲畱

三月三日寒食從 劉八丈使君登遷仁樓眺

望

附李穆

從公無小大在泮樂人賢楚國逢荒歲隨人若有年空

爾全作耳

今作目

雙行注

今本蒼江

今本孤

沈交水埒重岫夾會田桑柘溫風軟雲霞返照鮮因高  
寺刹迴臨遠郡樓偏花柳清明節親賓上已筵故鄉徒  
有路春鴈獨歸邊幸望山陰客爲文內史前

同郭參謀詠崔僕射淮南節度使廳前竹和郭作

參謀詠崔令

昔種梁王范今移漢將壇一作不學媚清蒙籠低冕過

青翠捲簾看得地移根遠經霜抱節難開花成鳳實嫩

笋長魚竿藹護軍容靜蕭蕭郡宇寬細音和角暮疎影

上門寒湘浦何年變山陽幾處殘一作西巷何處殘不知

軒屏側歲晚對袁安

硤石遇雨宴前主簿從兄子英宅

縣城蒼翠裏客路兩崖開硤石雲漠漠淒淒煙雨來吾  
兄此爲吏薄宦知無媒方寸抱秦鏡聲名傳楚材折腰  
五斗閒僂俛隨塵埃秩滿少餘俸家貧仍散財誰言汝  
東道暫預傾金壘雖欲少畱此其如歸限催

江中晚釣寄荆南一二相識一作西江雨後

楚郭微雨收荆門遙一作看在日漾舟水雲裏日暮春江

綠霽華靜洲渚暝一作色連松竹月出波上時人

歸渡頭宿一身已無累萬事更何欲漁父自夷猶一作黃緣

白鷗不羈束旣憐滄浪水復一作愛滄浪曲不見眼中

人相思心斷續一作垂釣生足

九日岳陽待黃逵黃渙

君頗已久離念與時積楚水空浮煙江樓望歸客徘徊正佇想鬢鬢如暫覲心目徒自親風波尚相隔青林泊舟處猿鳥愁孤驛遙見郭外山蒼然雨中西季鷹久踈曠叔度早疇昔反棹來何遲黃花候君摘

何云康與丙戌二月得見文淵閣不全隨州集校此五卷南宋書棚本也

又云毛文斧季云隨州集難得佳本凡校三過庶無疎略矣

今案刻本誤字尚多豈過錄遺漏耶丁酉上燈夕盧文昭校于東里之數間

草堂

劉隨州文集卷第五

劉隨州文集

隨州刺史劉

長卿

第六卷

題王少府堯山隱處簡陸鄱陽

故人滄洲吏深與世情薄解印二十年委身在丘壑買田楚山下妾不自耕鑿羣動心有營孤雲意無著因收谿上釣遂接林中酌對酒春日長山村杏花落陸生鄱陽令獨步建溪作早晚休此官隨君永棲託

晚次湖口有懷

靄然空水合目極平江暮南望天無涯孤帆落何處頃為衡湘客頗見湖山湘作趣潮氣和楚雲夕陽映江樹

意今作本

漢疑作安

潮近本作朝

帝鄉勞想望萬里心  
來去白髮生扁舟滄波滿歸一作滿  
路秋風今已至日夜鴈南度木葉辭洞庭紛紛落無一作  
知不數

陪元侍御遊支硎山寺

支公去已久寂寞龍華會古木閉空山蒼然暮相對林  
巒非一狀亦有餘態密衍藏晦明羣峯爭向背峯峯  
帶落日步步入青靄香氣空翠中猿聲暮雲外畱連南  
臺客想像西方內因逐溪水還觀心兩無礙

桂陽西洲晚泊古橋村住人

洛陽別離久江上心可得惆悵增暮情瀟湘復秋色故  
山隔何處落日羨歸翼滄海空自流白鷗不相識悲菴

行韻疑竹  
今作竹

滿荆渚輟棹徒沾臆  
行客念寒衣主人愁夜織帝鄉片  
雲去遙寄千里憶南路隨天長征帆杳無極

夕次檐石湖夢洛陽親故

天涯望不盡日暮愁獨去萬里雲海空孤帆向何處寄  
身烟波裏頗得湖山趣江氣和楚雲秋聲撼楓樹如何  
異鄉縣日復憶親故遙與洛陽人相逢夢中路不堪明  
月裏更值清秋暮倚棹對滄波歸心共誰語

按覆後歸睦州贈苗侍御

地遠心難達天高謗易成羊腸畱覆轍虎口脫餘生直  
氏偷金枉于家決獄明一言知己重片議殺身輕日下  
人誰憶天涯客獨行年光銷蹇步秋氣入衰情建德知

書盡近本作極

何在長江問去程孤舟百口渡萬里一猿聲落日開鄉  
路空山向郡城豈令冤氣積千古在長平

奉寄婺州李使君舍人

建隼罷鳴珂初傳來暮歌漁樵識太古草樹得陽和東  
道諸生從南依遠客過天清婺女出土厚絳人多永日  
空相望流年復幾何崖開當夕照葉去逐寒波眼暗經  
難受身閒劍懶磨似鴉占賈誼上馬試廉頗窮分安藜  
藿衰容勝薜蘿只應隨越鳥南翥託高柯

哭魏兼遂公及孀妻幼子與僮數人相次亡歿  
葬於丹陽

古今俱此去修短竟誰分樽酒空如在絃琴有重聞一

應嚴抄作四

竟嚴抄作更

門同逝水萬事共浮雲舊館何人宅空山遠客墳艱危  
貧且共少小秀而文獨行依窮巷全身出亂軍歲時長  
寂寞烟月自氤氳壟樹隨人古山門對日熏汎舟悲向  
子畱劍贈徐君來去雲陽路傷心江水濱

負謫後登干越亭作

又作十  
六句

天南愁望絕高上柳條新落日獨歸鳥孤舟何處人生  
涯投越嶺一作嶺傲世業陷胡邊一作邊塵杳杳鍾陵暮悠悠都

水春一作花連百越秦臺悲白首楚澤怨青蘋草色迷

征路鶯聲傍逐臣一本無獨醒空離一作類取笑直道不容

身得罪風霜苦全生天地仁青山數行淚滄海一窮鱗

牢落機心盡惟一作空憐鷗鳥親

傍嚴抄作傷

留題李明府雲溪水堂

寥寥一作寂此堂上幽意復誰論落日無王事青山在縣  
 門雲峯向高枕漁釣入前軒晚竹疎簾影春苔雙屐痕  
 荷香隨坐卧湖色映晨昏虛牖開生白鳴琴靜對言暮  
 禽飛上下一作上下春水一作水帶清渾遠岸誰家柳孤流一作流  
 烟何處村謫居投瘴癘離思過湘沅從此扁舟去誰堪  
 江浦猿

入白沙渚黃緣二十五里至石窟山下懷天台

陸山人

遠嶼一作渚靄將夕玩幽行自遲歸人不計日流水開相  
 隨輟棹古崖口捫蘿春景遲偶因回舟洲一作洲次寧與前

山期對此瑤草色懷君瓊樹枝浮雲去寂寞白鳥相因  
 依何事愛高隱但令勞遠思窮年卧海嶠永望愁天涯  
 吾亦從此去扁舟何所之迢迢江上帆千里東風吹

禪智寺上方懷演和尚寺即和尚所創

絕巘東林寺高僧會遠公買園隋苑下持鉢楚城中斗  
 極千燈近烟波萬井通遠山低月殿寒木露花宮紺宇  
 焚香淨滄洲擺霧空鴈來秋色裏曙起早潮東飛錫今  
 何在蒼生待發蒙白雲翻送客庭樹自辭風捨筏追開  
 士迴舟狎釣翁平生江海意惟共白鷗同

賈侍御自會稽使迴篇什盈卷蒙寄一首與余  
 有掛冠之期因書數事率成十韻

前山期巖抄山相期

今作息

峯近本作帆似得三本館閣下則嚴抄水一作半



江上逢星使南來自會稽驚年一葉落按俗五花嘶上  
國悲蕪梗中原動鼓聲報恩看鐵劔銜命出金閨風物  
催歸緒雲峯發咏題天長百越外潮上小江西鳥道通  
閩嶺山光落剡溪暮帆千里思秋夜一猿啼柏樹榮新  
壠桃源憶故蹊若能為休去行復草萋萋

秋日夏口涉漢陽獻李相公

日望衡門處心知漢水濱偶來青雀舫還在白鷗羣閒  
氣生靈秀先朝翼戴勲藏弓身已退焚藁事難聞舊業  
成青草全家寄白雲松蘿長稚子風景逐新文山帶寒  
城出江依古岸分楚歌悲遠客羌笛怨孤軍鼎罷調梅  
久門看種藥勤十年猶去國黃葉又紛紛

朱巖抄

歸沛縣道中晚泊留侯城

訪古茲城下子房安在哉白雲去不返危堞空崔嵬伊  
昔楚漢時頗聞經濟才運籌風塵下能使天地開蔓草  
日已積長松日已摧功名滿青史祠廟惟蒼苔百里暮  
程遠孤舟川上迴進帆東風便轉岸前山來楚天澹相  
引沙鷗閒不猜扣舷從此去延首重裴回

關門望華山

客路瞻太華三峯高際天夏雲互百里合沓遙相連雷  
雨飛半腹太陽在其巔翠微關上近道一作瀑布林梢懸  
愛此衆容秀能令西望偏裴回忘暝色泱泱成陰烟曾  
是朝百靈亦聞會羣仙瓊漿豈易挹毛女非空傳髣髴

客分類作華

仍佇想幽奇如眼前金天有青廟松栢隱蒼然

奉陪蕭使君入鮑達洞尋靈山寺

山居秋更鮮秋江相映碧獨臨滄洲路如待掛帆客遂  
使康樂侯披榛著雙屐入雲開嶺道永日尋泉脈古寺  
隱青冥空中寒磬夕蒼苔絕行徑飛鳥無去跡樹杪下  
歸人水聲過幽石任情趣逾遠移步奇屢易蘿木靜蒙  
蒙風烟深寂寂裴回未能去畏共桃源隔

孫權故城下懷古兼送友人歸建鄴

雄圖爭割據神器終不守上下武昌城長江竟何有古  
來壯臺榭事往悲陵阜寥落幾家人猶依數株柳威靈  
絕想像蕪沒空林藪野徑春草中郊扉夕陽後逢君從

奇道本作期

無去今未固

今作逢君

此去背楚方東走烟際指金陵潮時過盆口行人已何  
在臨水徒揮手惆悵不能歸孤帆沒雲久

宿雙峯寺寄盧七李十六

寥寥禪誦處滿室蟲絲結獨與山中人無心生復滅裴  
回雙峯下惆悵雙峯月杳杳暮猿深蒼蒼古松列玩奇  
不可盡漸遠更幽絕林暗僧獨歸石寒泉且咽竹房響  
輕吹蘿徑陰餘雪卧澗曉何遲背巖春未發此遊誠多  
趣獨往共誰閱得意空自歸非君豈能說

京口懷洛陽舊居兼寄廣陵二三知己

川闊悲無梁藹然滄波夕天涯一飛鳥日暮南徐客氣  
溷京口雲潮吞海門石孤帆候風進夜色帶江白一水

溷今作渾  
光字從嚴杪

阻佳期相望空脈脈那堪歲芳盡更使春夢積故國一作  
圓胡塵飛遠故一作山楚雲隔家人想何在庭草為誰碧  
惆悵空傷情滄浪有餘遺一作跡嚴陵七里灘攜手同所  
適

登揚州西靈寺塔

此塔凌空虛雄觀壓川澤亭亭楚雲外千里看不隔遙  
對黃金臺浮輝亂相射盤梯接元氣半壁樓夜魄稍登  
諸劫盡若騁排霄翮向是滄洲人已為青雲客雨飛千  
栱霽日在萬家夕鳥處高却低天涯遠如迥江流入空  
翠海嶠現微碧向暮期下來誰堪復行役

湖上遇鄭田

下屢抄同  
別抄作不  
下字近之  
今作達

故人青雲器何意常窘迫三十猶布衣憐君頭已白誰  
言此相見暫得話疇昔舊業今已蕪還鄉返如客扁舟  
伊獨往斗酒君自適滄洲一作海不可涯孤帆去無跡杯  
中忽復醉湖上生月一作新魄湛湛江色寒濛濛水雲夕  
風波易迢遞千里如咫尺迴首人已遙南看楚天隔  
雨中登沛縣樓贈表兄郭少府

楚澤秋更遠雲雷有時作晚陂帶殘雨白水昏漠漠佇  
立收烟氛洗然靜東一作寥廓卷簾高樓上萬里看日落  
為客頻改弦辭家尚如昨故山今不見此一作北鳥那可  
託小邑務常閒吾兄宦何薄高標青雲器獨立滄洲鶴  
惠愛原上情慙慙丘中諾何當遂良願歸卧青山郭

與字勝

何長門從古凡瀟陵俱改事類  
此水名自當作瀟况下文押  
霸字耶

霸東晚晴簡同行薛棄朱訓

客心豁初霽霽色暝元霸西向看夕陽瞳瞳映桑柘二  
賢誠逸足千里陪征駕古樹枳道傍人烟杜陵下伊余  
在羈束且復隨造化好道當有心榮生苦無暇高賢幸  
茲偶英達窮王霸迢遞客王程徘徊回主人夜一薰知異  
質片玉誰齊價同結丘中緣塵埃自茲謝

對雨贈濟陰馬少府考城蔣少府兼獻成武五

兄南華二兄

繁雲兼家思彌望連濟北日暮微雨中州城帶秋色蕭  
條主人靜落葉飛不息鄉夢寒更頻蟲聲夜相逼二賢  
縱橫器久滯徒勞職笑語和風騷雍容事文墨五兄卽

當嚴抄作  
本件作回

時彥前路良未測秋水百尺丈一作清寒松一枝直此心  
欲引託誰爲生羽翼且復頓歸鞍杯中雪曾臆

李侍御河北使迴至東京相訪

故人南臺秀夙擅中朝美擁傳從北來飛霜日千里貧  
居幸相訪顧我柴門裏却訝繡衣人仍交布衣士王程  
遽爾迫別戀從此始濁酒未暇斟清文頗垂示迴瞻馳  
馬速但見行塵起日暮汀洲寒春風渡流水草色官道  
邊桃花御溝裏天涯二鳥夕惆悵知何已

吳中聞潼關失守因奉寄淮南蕭判官

一鴈飛吳天羈人傷暮律松江風嫋嫋波上片帆疾木  
落姑蘇臺霜收洞庭橘蕭條長洲外唯見寒山出胡馬

又字并下注  
從嚴抄

今作一

嘶秦雲漢兵亂相失關中因竊據天下共憂慄南楚有  
瓊枝相思怨瑤瑟一身寄滄洲萬里看白日赴敵甘負  
戈論兵勇投筆臨風但攘臂擇木將委質不如歸遠山  
雲臥飯松栗

哭張員外經

慟哭鍾陵下東流與別離二星來不返雙劍沒相隨獨  
繼先賢傳誰刊有道碑故園荒峴曲旅櫬寄天涯白簡  
曾連拜滄洲每共思撫孤憐齒穉歎逝顧身衰泉壤成  
終古雲山若在時秋風隣笛發寒日寢門悲世難愁歸  
路家貧緩葬期舊賓傷未散夕臨咽常遲自此辭張邵  
何由見戴逵獨聞山吏部流涕訪孤兒

登東海龍興寺高頂望海簡演公

胸山壓海口永望開禪宮元氣遠相合太陽生其中豁  
然萬里餘獨爲百川雄白波走雷電黑霧藏魚龍變化  
非一狀晴明分衆容烟開秦帝橋隱隱橫殘虹蓬島如  
在眼羽人那可逢偶聞真僧言甚與靜者同幽意頗相  
愜賞心殊未窮花間午時梵雲外春山鐘誰念遽成別  
自憐歸所從他時相憶處惆悵西南峯

奉送從兄罷官之淮南

何事浮溟渤元戎棄鎬鉞漁竿吾道在鷗鳥世情賒元  
髮他鄉換滄洲此路遐沂公隨桂檝醒醉任松華離別  
誰堪道艱危更可嗟兵鋒搖海內王命隔天涯鐘漏移

長樂衣冠接永嘉還當拂氛祲那復臥雲霞溪路漫岡  
轉夕陽歸鳥斜萬艘江縣郭一樹海人家揮袂看朱紱  
揚帆指白沙春風獨回首愁思極如麻

落第贈楊侍御兼拜員外仍充安大夫判官赴  
范陽

職副旌旄重才兼識量通使車遙肅物邊策遠和戎擲  
地金聲著從軍寶劍雄官成稽古力名達濟時功肅穆  
烏臺上雍容粉署中含香初待漏持簡舊生風黠吏偏  
驚隼貪夫輒避駘且知榮已隔誰謂道仍同念舊追連  
茹謀生任轉蓬泣連三獻玉瘡懼再傷弓戀土函關外  
瞻塵霸水東他時書一札猶冀問途窮

賤南巴至鄱陽題李嘉祐江亭又作二句

巴嶠南行遠一作南出嶠長江萬里隨不才甘謫去流水

亦何之地遠明君棄一作瘴近天高酷吏欺青山獨往

路芳草未歸時流落還相見悲懼話所思猜嫌一作傷

意苒愁暮向江籬柳色迎高塢荷衣照下帷一本無水

雲初起重暮鳥遠來遲白首一作看長劍滄洲心寄

釣絲沙鷗驚小吏湖月上高枝一本無稚子能吳語新

文怨楚辭憐君不得意川谷自逶迤一作容髮

自紫陽觀至華陽洞宿侯尊師草堂簡同遊李

延年

石門媚烟景句曲盤江一作甸南向佳氣濃數峯遙隱

見漸臨華陽口雲路入葱蒨七曜懸洞宮五雲抱仙殿  
銀函竟誰發金液徒堪薦千載空桃花秦人深不見東  
溪喜相遇貞白如會面青鳥來去間紅霞朝夕變一從  
換仙骨萬里乘飛電蘿月延步虛松花醉闌宴幽人卽  
長往茂宰應交戰明發歸琴堂知君懶爲縣

石門一作石林

與第四卷同日校

劉隨州文集第六卷

劉隨州文集

隨州刺史劉

長卿

第七卷

奉使新安自桐廬縣經嚴陵釣臺宿七里灘下  
寄使院諸公

悠然釣臺下懷古時一望江水自潺湲行人獨惆悵新  
安從此始桂檝方蕩漾迴轉百里間青山千萬狀連崖  
去不斷對嶺遙相向夾岸黛色愁沈沈綠波上夕陽留  
古木水鳥拂寒浪月下扣舷聲煙中採菱唱猶憐負羈  
束未暇依清曠牽役徒自勞近名非所尚何時故山裏  
却醉松花釀迴首唯白雲孤舟復誰訪

題武丘寺

青林虎丘寺林際翠微路仰却一作見山僧來遙從飛鳥處一作茲峯論寶玉千載唯丘墓埋劍人空傳鑿山龍已去捫蘿披翳薈路轉夕陽遽虎嘯崖谷寒猿鳴杉一作桂松暮徘徊北樓上江海窮一顧日映千里帆鷓歸萬家樹斲因愜所適果得損外慮庭暗棲閑雲簷香滴甘露久迷空寂理多為繁華故永欲投死生餘生豈能誤

奉餞鄭中丞罷浙西節度還京

天上移將星元軍罷龍節三軍含怨慕橫吹聲斷絕五馬嘶城隅萬人臥車轍滄洲浮雲暮杳杳去帆發回首不問家歸心遙向闕煙波限吳楚日夕事淮越弔影失

今作損

刺他本作我今作君

所依側身隨下列孤蓬飛不定長劍光未滅綠綺為誰彈綠芳堪自擷悵然江南春獨此湖上月千里懷去思百憂變華髮頌聲滿江海今古流不竭

送裴四判官赴河西軍試

吏道豈易愜如君誰與儔逢時將騁驥臨事無全牛鮑叔幸相知田蘇頗同遊英資挺孤秀清論含古流出塞佐持簡辭家擁鳴騶憲臺貴公舉幕府資良籌武士佇明試皇華難久留陽關望天盡洮水令人愁萬里看一鳥曠然烟霞收晚花對古戍春雪含邊州道路難暫隔音塵那可求他時相望處明月西南樓

旅次丹陽郡遇康侍御宣慰召募兼別岑單父



客心暮千里回首煙花繁楚水渡歸夢春江連故園羈  
人懷上國驕虜窺中原胡馬暫爲害漢臣多負恩羽書  
晝夜飛海內風塵昏雙鬢日已白孤舟心且論繡衣從  
此來汗馬宣王言憂憤激忠勇悲歡動黎元南徐爭赴  
難發卒如雲屯倚劔看太白洗兵臨海門故人亦滄洲  
少別堪傷魂積翠下京口歸朝落山根如何天外帆又  
此波上樽空使憶君處鶯聲催淚痕

客舍贈別韋九建赴任河南韋十七造赴任鄭  
縣便覲省

與子頗疇昔常時仰英髦弟兄盡公器詩賦凌風騷頃  
者遊上國獨能光選曹香名冠二陸精鑒逢山濤且副

倚門望莫辭趨府勞桃花照綵服草色連青袍征馬臨  
素澹離人傾濁醪華山微雨霽祠上殘雲高而我倦棲  
屑別君良鬱陶春風亦未已旅思空滔滔拙分甘棄置  
窮居長蓬蒿人生未鷗化物議如鴻毛迢遞兩鄉別殷  
勤一寶刀清琴有古調更向何人操

送元八遊汝南

元生實奇邁幸此論疇昔刀筆素推高鋒銍久無敵縱  
積濟時意跌宕過人蹟破產供酒錢盈門皆食客田園  
須失計資用深相迫生事誠可憂嚴裝遠何適世情薄  
恩義俗態輕窮厄四海金雖多其如向人惜迢遞朗陵  
道張望都門夕向別伊水南行看楚雲隔繁蟬動高柳

延馬嘶平澤潢潦今正深  
陂雲未澄碧人生不得已  
自可甘形役勿復樽前酒  
離居剩悽感

奉和李大夫同呂評事太行苦熱行兼寄院中諸公仍呈王員外

迢遞太行路自古稱險惡  
千騎嚴欲前羣峰望如削  
火雲從中出仰視飛鳥落  
汗馬臥高原危旌倚長薄  
清風何不至赤日何煎鑠  
石枯山木樵鱗窮水泉涸  
九重今旰食萬里傳明畧  
諸將候軒車元凶愁鼎鑊  
何勞短兵接自有長纓縛  
通越事豈難渡瀘功未博  
朝辭羊腸阪夕望貝邱郭  
漳水斜遶營常山遙入幕  
永懷姑蘇下遙寄建安作  
白雪和難成滄浪意空託  
陳琳書記悅王粲

嚴近本作

倚巖抄作

今作焦

悅字疑

從軍樂蚤晚歸漢廷  
隨公上麟閣

洛陽主簿叔知和驛承恩赴選伏辭一首

仲父王佐材屈身仇香位  
一從理京劇萬事皆容易  
則知無不可通變有餘地  
器宇溟渤寬文鋒鏘錮利  
懂懂洛陽道日夕皇華使  
二載出江亭一心奉玉事  
功成良可錄道在知無媿  
天府畱香名銓闈就明試  
賦詩皆舊友攀轍多新吏  
綵服辭高堂青袍擁征騎  
此行季春月時物正鮮媚  
官柳陰相連桃花色如醉  
長安想在目前路遙髣髴  
落日看華山關門逼青翠  
行瞻稍已隔結戀無能慰  
誰令樽酒間徘徊竹林意

題寃句宋少府聽畱別

村近李作才

出江近本  
作部郵

瞻近本作  
務

全竹廳

宋侯人之秀獨步南曹吏世上無此才天生一公器尚  
甘黃綬屈未適青雲意洞澈萬頃波昂藏千里驥從宦  
聞苦節應物推高設薄俸不自資傾家共人費顧予倦  
棲託終日憂窮置開口即有求私心豈無愧幸逢東道  
主因輟西征騎對話堪息機披文欲忘味壺觴招過客  
几案無畱事綠樹映層城蒼苔覆閑地一言重然諾累  
夕陪宴會何意秋風來颯然動歸思畱歡殊自愜去念  
能為累草色愁別時槐花落行次臨歧仍把手此會良  
不易他日瓊樹枝相思勞夢寐

罷攝官後將還舊居畱辭李侍御

江海今為客風波失所依白雲心已負黃綬計仍非累

近本

會本作慰  
疑誤

疑誤

辱羣公薦頻需一尉微去綠焚玉石來為采封菲州縣  
名何在漁樵事亦違故山桃李月初服薜蘿衣熊軾分  
朝寄龍韜解賊圍風謠傳吏體雲物助兵威白雪飄辭  
律青春發禮闈引軍橫吹動援翰捷書揮草映番營綠  
花臨檄羽飛全吳爭轉戰狂虜怯知機憶俗趨金節臨  
時廢玉徽俗流應不厭靜者或相譏世難慵干謁時閒  
喜放歸潘郎悲白髮謝客愛清輝樗散材因棄交親迹  
已稀獨愁看五柳無事掩雙扉世累多行路生涯向釣  
磯榜連溪水碧家羨渚田肥旅食傷飄梗巖栖憶采薇  
悠然獨歸去回首望旌旗

贈別韋羣投筆赴安西

韋抄本作于

風流一才子經史仍滿腹心鏡萬象生文鋒衆人服頃  
遊靈臺下頻棄荆山玉蹭蹬空數年徘徊冀微祿竭來  
投筆硯長揖辭親族且欲圖變通安能守拘束本持鄉  
曲譽前料泥塗辱誰謂命迤邐還令計反覆西戎今未  
弭胡騎屯山谷坐恃龍豹韜全輕鋒藟毒拂衣從此去  
擁傳一何速元帥許提攜他人佇瞻矚出門寡倚侶矧  
乃無重僕黠虜時相逢黃沙暮無宿蕭條遠回首萬里  
如在目漢境天西窮胡山海邊緣想聞笛處淚盡關  
山曲地闊鳥非遲風寒馬毛縮邊愁如浩蕩離思空斷  
續塞上歸限賒樽前別期促知君志不小一舉凌鴻鵠  
且願樂從軍功名正殊俗

嚴抄作誌

送薛據宰涉縣

自永樂主簿陟狀  
尋復選受此官

故人河山秀獨立風神異人許白眉長天資青雲器雄  
辭變文名高價喧時議下筆盈萬言皆合古人意一從  
負能名數載猶卑位寶劍成誠可用烹鮮虛是棄昔聞在  
河上高臥自無事几案終日閒蒲鞭使人畏頃因歲月  
滿方謝風塵吏頌德有與人薦賢逢及使棲鸞往已屈  
馴雀今可嗣此道如不移雲霄坐應致縣前漳水綠郭  
外晉山翠日得謝客遊時堪陶令醉前期今尚遠握手  
空宴慰驛路疎柳長春城百花媚徘徊白日隱暝色含  
天地一鳥向霸陵孤雲送行騎夫君多述作而我常諷  
味賴有瓊瑤資能寬別離思槐陰覆堂殿苔色上階砌

成可用虛  
是棄從原  
抄

應場建章三集詩贈詩見  
右應

抄不作慰  
近本會

鳥倦自歸飛雲間獨容瀟既將慕幽絕兼欲看定慧遇  
物忘世緣還家懶生計無生妄已息有妄心可制心鏡  
常虛明時人自淪翳

蚤春贈別趙居士還江左時長卿下第歸嵩陽

舊居

見君風塵裏意出風塵外自有滄洲期含情十餘載深  
居鳳城曲日預龍華會果得僧家緣能遺俗人態一身  
今已適萬物生一作知何愛悟法電已空看心水無礙且  
將窮妙理兼欲尋勝槩何獨謝客遊當爲遠公輩放舟  
馳楚郭負杖辭秦塞目送南飛雲令人想吳會遙思舊  
遊處鬢鬢疑相對夜火金陵城春煙石頭瀨滄波極天

目抄本日

末萬里明如帶一片孤客帆飄然向青靄楚天合江氣  
雲色常靄靄隱見湖中山相連數州內君行意可得全  
與時人背歸路隨楓林還鄉念尊菜顧予尚羈束何幸  
承眇昧素願徒自勤清機本難逮累幸忝賓薦末路逢  
沙汰獲洛名不成徘徊意空大逢時雖貴達守道甘易  
退逆旅鄉夢頻春風客心碎別君日已遠離念無明晦  
予亦反柴荆山田事耕耒

夜宴洛陽程九主簿宅送楊三山人往天台尋

智者禪師隱居

東林問逋客何處尋幽偏滿腹萬餘卷息機三十年志  
圖良已久鬢髮空蒼然調羹寄疎曠形骸如棄捐本家

今本接

本補

關西族別業高陽田雲臥能獨往山棲幸周旋垂竿不  
在魚賣藥不為錢藁杖閒倚壁松花常醉眠頃辭青溪  
隱來訪赤縣仙南畝自甘賤中朝惟愛賢仍空世諦法  
遠結天台緣魏闕從此去滄洲知所便主人瓊枝秀寵  
別瑤華篇落日掃塵榻春風吹客船此行頗自適物外  
誰能牽弄棹白蘋裏掛帆飛鳥邊落湖見孤嶼徹底觀  
澄連鴈過湖上月猿聲風際天羣峰趨海嶠千里黛相  
連遙倚赤城上瞳瞳初日圓昔聞智公隱此地常安禪  
千載已如夢下燈今尚傳雲龕閉遺影石窟無人烟古  
寺暗喬木春崖鳴細泉流塵既寂寞朽想增嬋娟山鳥  
怨庭樹門人思步蓮夷猶懷永路悵望臨清川漁人來

字近作鈞

今本作潮

本作峰巖  
亦同

鳴近本明文  
鈞作緬

夢裏沙鷗飛眼前獨遊豈易恆羣動多相纏羨爾五湖  
夜往來聞扣船

船近本船

瓜洲驛奉餞張侍御公拜膳部郎中却復憲臺  
充賀蘭夫及畱後使之嶺南時侍御先在淮南

幕府

太華高標峻青陽淑氣盤屬辭傾淳澥稱價掩琅玕楊  
葉頻推中芸香早拜官後來慙轍迹先達仰門闌佐劇  
勞黃綬提綱疾素餐風生趨府步竿偃觸邪冠骨鯁知  
難屈鋒鏑豈易干佇將調玉鉉翻自落金丸異議那容  
直專權本畏彈寸心寧有負三黜竟無端適喜鴻私降  
旋驚羽檄攢國憐朝市易人怨虎狼殘天地龍初見風

今本作潮

塵虜未殫隨川歸少海就日背長安副相榮分寄翰忠  
義不刊擊胡馳汗馬遷蜀扈鳴鑿月罷名卿署星懸上  
將壇三軍搖旆出百越畫圖觀茅茹能相引泥沙肯再  
蟠兼榮知任重交辟許才難勁直隨臺柏芳香動省蘭  
壁從全趙去鵬自北溟搏星象銜新寵風霜帶舊寒是  
非生倚伏榮辱繫悲歡疇昔偏殊眄屯蒙獨永歎不才  
成擁腫失計似邯鄲江國傷移律家山憶考槃一爲鷗  
鳥誤三見露華團迴首青雲裏應憐濁水瀾愧將生事  
託羞向鬢毛看知己傷愆素他人自好丹鄉春連楚越  
旅宿寄風湍世路東流水滄江一釣竿松聲伯禹穴草  
色子陵灘度嶺情何遽臨流興未闌梅花分路遠楊子

上潮寬夢想懷依倚煙波恨渺漫且愁無去鴈寧冀枉  
迴鸞極浦春帆迴空郊晚騎單獨憐南渡月今夕送歸  
鞍

至德三年春正月時謬蒙差懼海鹽令聞王師  
收二京因書事寄上浙西節度李侍郎中丞行

營五十韻

天上胡星字人間一作東山反氣橫風塵生汗馬河洛縱長

鯨本謂一作爲才非據誰知一作防禍已萌食參將可待誅

錯輒爲名萬里兵鋒接三時羽檄驚負恩殊鳥獸流毒

遍黎氓朝市成蕪沒干戈起戰爭人心懸反覆一作覆天

道暫虛盈略地侵中土傳烽到上京王師陷魑魅帝座

逼欖槍渭水嘶胡馬秦山泣漢兵關原馳萬騎煙火亂

千甍鳳駕瞻西幸龍樓議一作北征自將行破竹誰學

去吹笙白日重輪慶玄穹再造榮鬼神潛釋一作憤夷

秋遠輸誠海內戎衣卷關中賊壘平山川隨戰戰草木

困一作助橫行區宇神功立謳歌一作帝業成天迴萬象

慶龍見五雲迎小苑春猶在長安日更明星辰歸正位

路一作雷雷雨發殘生文物登前古蕭韶下太清未央新柳

色長樂舊鐘聲八使推邦彥中司案國程蒼生屬伊呂

明主仗一作伏韓彭兇醜將除蔓奸豪已負荆世危看柱

石時難識忠貞薄伐微貔虎長驅擁旆旌吳山依重鎮

江月帶行營金石懸詞律煙雲動筆精運籌初減竈調

鼎未和羹北虜傳初解東人望已傾池塘催謝客花木

待春卿昔忝登龍首能傷困驥鳴艱難悲伏一作仗劍提

握喜懸衡巴曲誰堪聽秦臺自有情遂令辭短褐仍欲

請長纓久客田園廢初官印綬輕榛蕪上國路苔蘚北

山楹懶慢羞趨府驅馳憶退一作耕榴花無暇醉蓬髮

帶愁縈地僻方言異身微俗慮一作累并家憐雙鯉斷才

媿小鮮烹滄海今猶滯青陽歲又更洲香生杜若谿煖

遠一作戲鷓鴣煙水一作雪空春候塞關一作關值晚晴潮聲

來萬井山色映孤城旅夢親喬木歸心亂蚤鶯倘無知

已在今已訪蓬瀛



丁酉正月十日飲陳春榆宅此是其弟先遠所抄酒罷攜歸閱

劉隨州文集卷第七

劉隨州文集

第八卷

尋張逸人山居

危石纔通鳥道空山更有人家桃源定在深處澗水浮  
一作來落花

發越州赴潤州使院留別鮑侍御

對水看山別離孤舟日暮行遲江北江南春草獨向金  
陵去時

送陸澧還吳中

瓜步寒潮送客楊柳暮雨沾衣故山南望何處秋草連

天獨歸

苔溪酬梁耿別後見寄

清川永路何極

一作清溪落日

落日

一作惆悵

孤舟解攜鳥向

一作

去鳥平蕪遠近人隨流水東西白雲千里萬里明月前溪

後溪惆悵

一作獨恨

長沙謫去江潭芳

一作春

草萋萋

蛇浦橋下重送嚴維

秋風颭颭鳴條風月相和寂寥黃葉一離一別青山暮

暮朝朝寒江漸出高岸古木猶依斷橋明日行人已遠

空餘淚滴迴潮

重別

附嚴維

月色今朝最明庭閑夜久天清愁盡當年左宦殷勤遠

畫嚴抄在殷勤抄本

別深情溪臨疎竹煙色風落高梧雨聲耿耿相看不寐

遙聞曉柝山城

七里灘重送

秋江渺渺水空波越客孤舟欲榜歌手折衰楊悲老大

故人零落已無多

重別

附嚴維

新安非欲在帆過海內如今有幾何醉裏別時秋水色

老人南望欲狂歌

家園瓜熟是故蕭相公所遺瓜種悽然感舊因

賦此詩

事去人亡跡自留黃花綠帶不勝愁誰能更向青門外

溪臨抄本  
臨溪  
山城抄作  
連城

秋草茫茫覓故侯

重送裴郎中貶吉州

猿啼客散暮江頭  
人自傷心水自流  
同作逐臣君更遠  
青山萬里一孤舟

尋盛禪師蘭若

秋草黃花覆古阡  
隔林何處起人煙  
山僧獨在山中老  
一作唯有寒松見少年

寄許尊師

獨上雲梯入翠微  
蒙蒙煙雨映巖扉  
世人知在中峯裏  
遙禮青山恨不歸

發桐廬寄劉員外

附李穆

處處雲山無盡時  
桐廬南望轉參差  
舟人莫道新安近  
欲上潺湲行自遲

酬李穆見寄

孤舟相訪至天涯  
萬轉雲山路更賒  
欲掃柴門迎遠客  
青苔黃葉滿貧家

送王司馬秩滿西歸

漢主何時放逐臣  
江邊幾度送歸人  
同官歲歲先辭滿  
唯有青山伴老身

寄別朱拾遺

天書遠召滄浪客  
幾度臨歧病未能  
江海茫茫春欲遍  
行人一騎發金陵

會赦後酬主簿所問

江南海北長相憶  
淺水深山獨掩扉  
重見太平身已老  
桃源久住不能歸

贈秦系

向風長嘯戴紗巾  
野鶴由來不可親  
明日東歸變名姓  
五湖煙水覓何人

酬靈徹公相招

石磻泉聲久不聞  
獨臨長路雪紛紛  
如今漸欲生黃髮  
願脫頭冠與白雲

贈崔九載華

憐君一見一悲歌  
歲歲無如老去何  
白屋漸看秋草沒

青雲莫道故人多

同崔載華贈日本聘使

憐君異域朝周遠  
積水連天何處通  
遙指來從初日外  
始知更有扶桑東

送建州陸使君

漢庭初拜建安侯  
天子臨軒寄所憂  
從此向南無限路  
雙旌已去水悠悠

送秦侍御外甥張篆之福州謁鮑大夫秦侍御

與大夫有舊

萬里閩中去渺然  
孤舟水上入寒煙  
轅門拜首儒衣弊  
兒似牢之豈不憐

水作海

聞迎皇太后使沈判官至因有此作

長樂宮人掃落花君王正候五雲車萬方臣妾同瞻望  
疑在曾城阿母家

送劉萱之道州謁崔大夫

沅水悠悠湘水春臨歧南望一沾巾信陵門下三千客  
君到長沙見幾人

過鄭山人所居

寂寂孤鶯啼杏園寥寥一犬吠桃源落花芳草無尋處  
萬壑千峯獨閉門

奉送賀若郎中賊退後之桃州

何改桃云從嚴抄

江上初收戰馬塵鶯聲柳色待行春雙旌誰道來何暮

今本杭州

見嚴抄

萬井如今有幾人

瓜洲驛重送梁郎中赴吉州

洲抄本作州

渺渺雲山去幾重依依獨聽廣陵鐘明朝借問南來客  
五馬雙旌何處逢

奉使鄂渚見烏江道中作

今作漁

滄洲不復戀魚竿白髮那堪帶鐵冠客路向南何處是  
蘆花千里雪漫漫

新息道中作

蕭條獨向汝南行客路多逢漢騎營古木蒼蒼離亂後  
幾家同住一孤城

春日宴魏萬成水湘亭

何年家住此江濱  
幾度門前北渚春  
白髮亂生相顧老  
黃鶯自語豈知人

重送道標上人

衡陽千里去人稀  
遙逐孤雲入翠微  
春草青青新覆地  
深山無路若爲歸

送李判官之潤州行營

萬里辭家事鼓聲  
金陵驛路楚雲西  
江春不買畱歸客  
草色青青送馬蹄

將赴南巴至餘干別李十二

江上花催問禮人  
鄱陽鶯報越鄉春  
誰憐此別悲歡異  
萬里青山送逐臣

時平後春日思歸

一尉何曾及布衣  
時平却憶臥柴扉  
故園柳色催南客  
春水桃花待北歸

送陶十赴杭州攝掾

莫歎江城一掾卑  
滄洲未是阻心期  
浙中山色千萬狀  
門外潮聲朝暮時

使還七里瀨上逢薛承規赴江西貶

遷客歸人醉晚寒  
孤舟暫泊子陵灘  
憐君更去三千里  
落日青山江上看

使迴赴蘇州道中作

春風何事遠相催  
路盡天涯始却迴  
萬里無人空楚水

孤帆送客到魚臺

昭陽曲

昨夜承恩宿未央  
羅衣猶帶御衣香  
芙蓉帳小雲屏暗  
楊柳風多水殿涼

御衣方是承恩爐字之矣

非所畱繫每夜聞長洲軍笛聲

白日浮雲閉不開  
黃沙誰問冶長猜  
只憐橫笛關山月  
知處愁人夜夜來

贈微上人

禪門來往翠微間  
萬里千峯在剡山  
何時共到天台裏  
身與浮雲處處閑

東湖送朱逸人歸

山色湖光併在東  
扁舟歸去有樵風  
莫道野人無外事  
開田鑿井白雲中

舟中送李十八

席本云此詩恐誤寫題目

釋子身心無有分  
獨將衣鉢去人羣  
相思晚望西林寺  
唯有鐘聲出白雲

畱別劉員外

附朱放

寥落窮秋九月天  
風吹白雪起江邊  
豈意與君於此別  
相看拭淚水潺湲

送李穆歸淮南

揚年春草新年綠  
未去先愁去不歸  
淮水問君來早晚  
老人偏畏過芳菲

近本作御爐便廷

留辭

附李穆

南楚迢迢通漢口  
西江淼淼去揚州  
春風已遣歸心促  
縱復芳菲不可留

觀李湊所畫美人障子

華堂翠幙春風來  
內閣金屏曙色開  
此中一見亂人眼  
只疑行到雲陽臺

送盧侍御赴河北

謫居為別倍傷情  
何事從戎獨遠行  
千里按圖收故地  
三軍罷戰及春耕  
江天渺渺鴻初去  
漳水悠悠草欲生  
莫學仲連逃海上  
田單空媿取聊城

送子婿崔真父歸長城

送君卮酒不成歡  
幼女辭家事伯鸞  
桃葉宜人誠可詠  
柳花如雪若為看  
心憐稚齒鳴環去  
身媿衰顏對玉難  
惆悵暮帆何處落  
青山無限水漫漫

送陸澧倉曹西上

長安此去欲何依  
先達誰當薦陸機  
日下鳳翔雙闕迴  
雪中人去二陵稀  
舟從故里難移棹  
家住寒塘獨掩扉  
臨水自傷流落久  
贈君空有淚沾衣

送柳使君赴袁州

宜陽出守新恩至  
京口因家始願違  
五柳閉門高士去  
三苗按節遠人歸  
月明江路聞猿斷  
花暗山城見吏稀  
惟有郡齋窗裏岫  
朝朝空對謝亭暉

全書七言古見第五卷中  
此截尾四句耳

抄本無此  
重覆也然  
宋本目錄  
有之嚴抄



獻題贈二小男

異鄉流落頻生子幾許悲歡併在身欲竝老容羞白髮  
每看兒戲憶青春未知門戶誰堪主且免琴書別與人  
何幸暮年方有後舉家相對却沾巾

謫官後臥病官舍簡賀蘭侍郎

御一作貶陸州  
祖庸見贈

青春衣繡共稱

服一作繡  
正相

宜白首垂

髮一作

如絲恨不遺江上

幾回今夜月鏡中無復少年時生還北闕誰相

一作將  
一作能

引老向南邦衆所悲歲歲任他芳草綠長沙未有定歸

期

歲日見新歷因寄都官裴郎中

青陽振蟄初頒歷白首銜冤欲問天絳老更能經幾歲

賈生何事又三年愁占著草終難浹病對椒花倍自憐  
若道平分四時氣南枝為底發春偏

江州重別薛六柳八二員外

生涯豈料承優詔世事空知學醉歌江上月明胡雁過  
淮南木落楚山多寄身且喜滄洲近顧影無如白髮何  
今日龍鍾人共棄媿君猶遣慎風波

青溪口送人歸岳州

洞庭何處鴈南飛江莢蒼蒼客去稀帆帶夕陽千里沒  
天連秋水一人歸黃花衰露開沙岸白鳥銜魚上釣磯  
歧路相逢無可贈老年空有淚沾衣

送靈徹上人還越中

葉今本作侍御與詩衣  
繡合五文

禪客無心杖錫還沃洲深處草堂閑身隨敝屣經殘雪  
手綻寒衣入舊山獨向青溪依樹下空留白日在人間  
那堪別後長相憶雲木蒼蒼但閉關

送耿拾遺歸上都

若爲天畔獨歸秦對水看山欲暮春窮海別離無限路  
隔河征戰幾歸人長安萬里傳雙淚建德千峯寄一身  
想到郵亭愁駐馬不堪西望見風塵

和樊使君登潤州城樓

山城迢遞敞高樓露冕吹鏡居上頭春草連天隨北望  
夕陽浮水共東流江田漠漠全吳地野樹蒼蒼故蔣州  
王粲尚爲南郡客別來何處更銷憂

居廉抄

送從嚴抄

餞王相公出牧括州

縉雲詎比長沙遠出牧猶承明主恩城對寒山開畫戟  
路飛秋葉轉朱轡江潮淼淼連天望旌旆悠悠上嶺翻  
蕭索庭槐空閉閣舊人誰到翟公門

題靈祐和尚故居

歎逝翻悲有此身禪房寂寞見流塵多一作時行徑空  
秋草幾日浮生哭故人風竹自吟遙入磬雨花隨淚共  
沾中殘經窗下依然在憶得山中問許詢

尋龍井楊老

柴門草舍絕風塵空谷耕田學子真泉咽恐勞經隴底  
山深不覺有秦人手栽松樹蒼蒼老身臥桃園寂寂春

唯有胡麻當雞黍白雲來往未嫌貧

見故人李均所借古鏡恨其未獲歸府斯人已

亡愴然有作

故人留鏡無歸

知一作處

今日懷君試暫窺歲久豈堪塵

自入夜長應待月相隨空憐瓊樹曾臨匣猶見菱花獨

映池所恨平生還不早如今始掛隴頭枝

聞虞河州有替將歸上都登漢東城寄贈

淮南搖落客心悲泗水悠悠怨別離早鴈初辭舊關塞

秋風先入古城池腰章建隼皇恩賜露冕臨人白髮垂

惆悵恨君先我去漢陽耆舊憶旌麾

本  
自作漢

抄本第八  
卷止此與  
宋本目錄  
合

丁酉三月望後一日弓父細校過

劉隨州文集第八卷

劉隨州文集卷八

七

劉隨州文集

隨州刺史劉長卿

第九卷

獻淮寧軍節度李相公

建牙吹角不聞喧三十登壇眾所尊家散萬金酬士死

死一作事身畱一劍答君恩漁陽老將多迴席魯國諸生半

在門白馬翩翩春草細茂陵一作少陵西去獵平原

觀校獵上淮西相公一無下

龍驤校獵邵陵東野火初燒楚澤空師事黃公千戰一作

載後身騎白馬萬人中笳隨晚吹吟一作曉邊草箭沒

寒一作青雲落塞鴻三十擁旌誰不羨周郎少小立一作有

奇功

送皇甫曾赴上都

東遊久與故人違西去荒涼舊路微秋草不生三徑處  
行人獨向五陵歸離心日遠如流水迴首川長共落暉  
楚客豈勞傷此別滄江欲暮自沾衣

送李錄事兄歸襄鄧

十年多難與君同幾處移家逐轉蓬白首相逢征戰後  
青春已過亂離中行人杳杳看西月歸馬蕭蕭向北風  
漢水楚雲千萬里天涯此別恨無窮

漢陽獻李相公

退身高臥楚城幽獨掩柴門一作雙扉漢水頭春草雨中行

今本開何  
集從開

徑沒暮山江上捲簾愁幾人猶憶識一作孫弘閣百口一作  
里同乘范蠡舟早晚却還丞相印十年空被白雲留

長沙過賈誼宅

三年謫宦此棲遲萬古惟留楚客悲秋草尋人去後寒  
林空見日斜時漢文有道恩猶薄湘水無情弔豈知寂  
寂江山搖落處憐君何事到天涯

奉酬辛大夫喜湖南臘月連日降雪見示之作

長沙耆舊拜旌麾喜見江潭積雪時柳絮三冬先北地  
梅花一夜遍南枝初開窻閣寒光滿欲掩軍城暮色遲  
閭里何人不相慶萬家同唱郢中詞

登餘干古縣城

孤城上與白通雲齊萬古荒涼蕭條楚水西官舍

已空秋草綠女墙猶在夜烏啼平江渺來人遠夕落

日亭亭向客低沙鳥不知陵谷變朝飛還暮去一作

戎陽溪

將赴嶺外畱題蕭寺遠公院蕭寺即梁朝蕭內史創

竹房遙閉小方幽苔徑蒼蒼訪昔遊內史舊山空日暮

南朝古木向人愁天香月色同僧室葉落猿啼傍客舟

此去播遷明主意白雲何事欲相畱

初聞貶謫續喜一本無上六字量移登干越亭贈鄭校

書

青青草色滿江洲萬里傷心水自流越鳥豈一作知南

國一作遠江花獨向北人愁生涯已逐一作滄浪去一作

老冤氣初逢渙汗收何事還邀遷一作客醉春風日夜

待歸舟

北歸入至德界偶逢洛陽隣家李光宰

生涯心事已蹉跎舊路依然此重過近北始知黃葉落

向南空見白雲多炎州日日人將老寒渚年年水自波

華髮相逢俱若是故園秋草復如何

自江西歸至舊任官舍贈袁贊府時經劉展平後

却見同官喜復悲此生何幸有歸期空庭客至逢搖落

舊邑人稀經亂離湘路來過迴雁處江城臥聽搗衣時

南方風土勞君問賈誼長沙豈不知

飛今作來

嚴抄景  
刻作月

許字去

華今作寄

赴南中題褚少府湖上亭子

種田東郭傍春陂萬事無情把一作弄釣絲綠竹放侵行  
徑裏一作斷青山常對捲簾時紛紛花落門空閉寂寂鶯  
啼日更遲從此別君千萬里白雲流水憶佳期

上巳日越中與鮑侍郎泛舟耶溪

蘭橈縵一作萬轉傍汀沙應接雲峯到若耶舊浦滿來移  
渡口垂楊深處有人家永和春色千年在曲水鄉心萬  
里賒君見漁舟時借問前洲一作桃源幾路入煙花

雙峯下哭故人李宥

憐君孤壠寄雙峯埋骨窮泉復幾重白露空沾九原草  
青山猶閉數株松圖書經亂知何在妻子因貧失所從

惆悵東臯却歸去人間無處更相逢

使次安陸寄友人

新年早已遠萋萋久客將歸失路蹊暮雨不知湏口處  
春風共到穆陵西孤城盡日空花落三戶無人自鳥啼  
君在江南相憶否門前五柳幾枝低

哭陳歙州

千秋萬古葬平原素業清風及子孫旅櫬歸程傷道路  
舉家行哭向田園空山寂寂開新壠喬蒼蒼掩舊門儒  
行公才竟何在獨憐棠樹一枝存

酬屈突陝

落葉紛紛滿四隣蕭條環堵絕風塵鄉看秋草歸無路

何處一作歸家對寒江病且貧藜杖懶迎征騎客菊花能醉  
去官人憐君計畫誰知者但見蓬蒿空沒身

送惠法師遊天台因懷智大師故居

翠屏瀑水知何在鳥道猿啼過幾重落日獨搖金策去  
深山誰向石橋逢定攀巖下叢生桂欲買雲中若個峰  
憶想東林禪誦處寂寥惟聽舊時鐘

自夏口至鸚鵡洲夕望岳陽寄元中丞

江洲無浪復無煙楚客相思益渺然漢口夕陽斜渡鳥  
洞庭秋水遠連天孤城背嶺寒吹角獨戍臨江夜泊船  
賈誼上書憂漢室長沙謫去古今憐

送侯中丞流康州

長江極目帶楓林匹馬孤雲不可尋遷播共知臣道枉  
猜讒却爲主恩深轅門畫角三軍思驛路青山萬里心  
北關九重誰許屈獨看湘水淚沾襟

別送一作嚴士元

春風倚棹闔閭城水國春寒殘一作雲陰復晴細雨點衣看  
不見閒花落地聽無聲日斜江上孤帆影草綠湖南萬  
里情東道若逢相識問青袍今日一作誤儒生

避地江東畱別淮南使院諸公

長安路絕鳥飛通萬里孤雲西復東舊業已應成茂草  
餘生只是任飄蓬何辭向物開秦鏡却使他人得楚弓  
此去行持一竿竹等閑將狎釣魚翁



非所上御史惟則

誤因微祿滯南昌幽繫圓扉晝夜長黃鶴翅垂同鷺雀  
青松心在任風霜斗間誰與看冤氣盆下無由見太陽  
賢達不能同感激更於一作命何處問蒼蒼

送台州李使君兼寄題國清寺

露冕新承明主恩山城別是武陵源花間五馬時行縣  
林外千峯常在門晴江洲渚帶春草古寺杉松深暮猿  
知到應真飛錫處因君一想已忘言

獄中聞收東京有赦

傳聞闕下降絲綸為報關東滅虜塵壯志已憐成白首  
餘生猶待發青春風霜何事偏傷物天地無情亦愛人

非本作罪

嚴抄林刻  
作山抄本疑

別本作私

特法不須張密網恩波自解借枯鱗

溫湯客舍

冬狩溫泉歲欲闌宮城佳氣晚宜看湯熏仗裏千旗暖  
雪照山邊萬井寒君門獻賦誰相達客舍無錢輒自安  
且喜禮闈秦鏡在還將妍醜付春官

送孫逸歸廬山

鑪峯絕頂楚雲寒楚客東歸棲此巖一作巖蠡湖邊香檣袖  
尋陽郭外暗楓杉青山不斷三湘道飛鳥空隨萬里帆  
常愛此中多勝事新詩他日佇開緘

送馬秀才落第歸江南

南客懷歸鄉夢頻東門悵別柳條新慙斗酒城陰暮

蕩漾孤舟楚水春  
湘竹舊斑思帝子  
江籬初綠怨騷人  
憐君此去未得意  
陌上愁看淚滿巾

送常十九歸嵩少故林

迢迢此恨杳無涯  
楚澤嵩邱千里賒  
岐路別時驚一葉  
雲林歸處憶三花  
秋天蒼翠寒飛鴈  
古堞蕭條晚噪鴉  
他日山中逢勝事  
桃源洞裏幾人家

送宇文遷明府赴洪州張觀察追攝豐城令時長

此卿亦在洪州

送君不復遠為心  
余亦扁舟湘水陰  
路逐山光何處盡  
春隨草色向南深  
陳蕃待客應懸榻  
宓賤之官獨抱琴  
儻見主人論謫宦  
爾來空有白頭新

新字出韻今本作吟當從之

喜朱拾遺承恩拜命赴任上都

詔書徵拜脫荷裳  
身去東山閉草堂  
閭闔九天通楚籍  
華亭一鶴在朝行  
滄洲離別風煙遠  
青瑣幽深漏刻長  
今日却迴垂釣處  
海鷗相見已高翔

鄭上送韋司士歸上都舊業

司士即鄭公之孫頃客於鄭上

前朝舊業想遺塵  
今日他鄉獨爾身  
鄭地國除為過客  
杜陵家在有何人  
蒼苔白露生三徑  
古木寒蟬滿四隣  
西去茫茫問歸路  
關河漸近淚盈巾

征輪

一本此去茫茫盡秋草離心萬里透

感懷

秋風落葉正堪悲  
黃菊殘花欲待誰  
水近偏逢寒氣早

山深常見日光遲，愁中卜命看周易。夢裏招魂讀楚詞，自笑不如湘浦鴈。飛來即是北歸時。

送楊於陵歸宋汴州別業

半山溪雨帶斜暉，向水殘花污客衣。旅食嗟余當歲晚，能文似汝少年稀。新河柳色千株暗，故國雲帆萬里歸。離亂要知君到處，寄書須及鴈南飛。

哭陳使君

與陳陳州詩異同上數字而此篇似勝疑是舊稿也

千愁萬古共平原，惟有清風及子孫。旅櫬歸程傷道路，舉家行哭向田園。寒山搖落空殘壠，故里踈蕪獨掩門。儒行公才更何用，欲將脩短問乾坤。

送崔使君赴壽州

列郡專城分國憂，彤幃皂蓋古諸侯。仲華遇主年猶少，公瑾論功位已酬。草色青青迎建隼，蟬聲處處雜鳴騶。千里相思如可見，淮南木葉正驚秋。

上陽宮望幸

玉輦西巡久未還，春光猶入上陽間。萬木長承新雨露，千門空對舊河山。深花寂寂宮城閉，細草青青御路閑。獨見彩雲飛不盡，只應來去候龍顏。

過裴舍人故居

慘慘天寒獨掩扉，紛紛黃葉滿空庭。孤墳何處依山木，百口無家學水萍。籬花猶及重陽發，鄰笛那堪落日聽。書幌無人長不捲，秋來芳草自為螢。

登松江驛樓北望故園

淚盡江樓北望歸田園已陷百重圍平蕪萬里無人去  
落日千山空鳥飛孤舟漾漾寒潮小極浦蒼蒼遠樹微  
白鷗漁父徒相待未掃攬槍懶息機

秋夜有懷高三十五適兼呈空上人

晚節逢君趣道深結茆栽樹近東林吾師幾度曾摩頂  
高士何年遂發心北渚三更聞過鴈西城萬里動寒砧  
不見支公與予度相思擁膝坐長吟

送孔巢父赴南軍按此詩皇甫冉所作

江城相送隔煙波況復新秋一鴈過聞道全師征北虜  
更言請將會南河邊心冉冉鄉人絕塞草青青戰馬多

共許陳琳工奏記知君名宦未蹉跎

登潤州萬歲樓按此詩皇甫冉所作

高樓獨上思依依極浦遙山合翠微江客不堪頻北望  
塞鴻何事又南飛垂山古渡寒煙積瓜步空洲遠樹稀  
聞道王師猶轉戰更能談笑解重圍

江樓送太康郭主簿赴嶺南

對酒憐君安可論當官愛士如平原料錢用盡却爲謗  
食客空多誰報恩萬里孤舟向南越蒼梧雲中暮帆滅  
樹色應無江北秋天涯尚見淮陽月驛路南隨桂水流  
猿聲不絕到蠻州青山落日那堪望誰見思君江上樓  
客舍喜鄭三見寄

客舍逢君未換衣，閉門愁見桃花飛。遙想故園今已爾，  
家人應念行人歸。寂寞垂楊映深曲，長安日暮靈臺宿。  
窮巷無人鳥雀閑，空庭新雨莓苔綠。此中分與故交疎，  
何幸仍迴長者車。十年未稱平生意，好得辛勤謾讀書。

送賈三北遊

賈生未達猶窘迫，身馳匹馬邯鄲陌。片雲郊外遙送人，  
斗酒城邊暮畱客。顧余他日仰時髦，不堪此別相思勞。  
雨色新添漳水綠，夕陽遠照蘇門高。把袂相看衣共緇，  
窮愁只是惜良時。亦知到處逢榻下，莫滯秋風西上期。

齊一和尚影堂

一公住世忘世紛，暫來復去誰能分身寄虛空。如過客  
心將生滅是浮雲，蕭散浮雲往不還。淒涼遺教歿仍傳，  
舊地愁看雙樹在空堂。只是一燈懸一燈長照恆河沙，  
雙樹猶落諸天花。天花寂寂香深殿，苔蘚蒼蒼闕虛院。  
昔余精念訪禪扉，常接微言清道機。今來寂寞無所得，  
惟共門人淚滿衣。

丁酉二月十一日

劉隨州文集第九卷

劉隨州文集

隨州刺史劉長卿

第十卷

潁川畱別司倉李萬

故人早負干將器  
誰言未展平生意  
想君疇昔高步時  
肯料如今折腰事  
且知投刃皆若虛  
日揮案牘常有餘  
槐暗公門趨小吏  
荷香陂水膾鱸魚  
客裏相逢款話深  
如何歧路剩沾襟  
白雲西上催歸念  
潁水東流是別心  
落日征驂隨去塵  
含情揮手背城闈  
已恨良時空此別  
不堪秋草更愁人

聽笛歌 畱別鄭協律

舊遊憐我長沙謫載酒沙頭送遷客天涯望月自沾衣  
江上何人復吹笛橫笛能令孤客愁淥波淡淡如不流  
商聲寥亮羽聲苦江天寂歷江楓秋靜聽關山聞一叫  
三湘月色悲猿嘯又吹楊柳激繁音千里春色傷人心  
隨風飄向何處落惟見曲盡平湖深明發與君離別後  
馬上一聲堪白首

時平後送范倫歸安州

昨聞戰罷圖麟閣破虜收兵卷戎幕滄海初看漢月明  
紫微已見胡星落憶昔扁舟此南渡荊棘煙塵滿歸路  
與君攜手姑蘇臺望鄉一日登幾迴白雲飛鳥去寂寞  
吳山楚岫空崔嵬

一作望崔嵬

事往時平還舊邱青青春草

近家愁洛陽舉目今誰在潁水無情應自流吳苑西人  
去欲稀畱連一日空知非江潭歲盡愁不盡鴻春歸身  
未歸萬里遙懸帝鄉憶五年空帶風塵色却到長安逢  
故人不道姓名應不識

小鳥篇上裴尹

藩籬小鳥何甚微翩翩日夕空此飛只緣六翮不自致  
長似孤雲無所依西城黯黯斜暉落衆鳥紛紛皆有託  
獨立雖輕鷺雀羣孤飛還懼鷹鷂搏自憐天上青雲路  
弔影徘徊獨愁暮銜花縱有報恩時擇木誰容託身處  
歲月蹉跎飛不進羽毛顛顛無人問遶樹空隨鳥鵲驚  
巢林只有鷓鴣分主人庭中蔭喬木愛此清陰欲棲宿

少年挾彈遙相猜遂使驚飛往復翅不辭奮翼向君去  
惟怕金丸隨後來

登吳古城歌

登古城兮思古人感賢達兮同埃塵望平原兮寄遠目  
歎姑蘇兮聚塵鹿黃池高會事未終滄海橫流人蕩覆  
伍員殺身誰不冤竟看暮樹如所言越王嘗膽安可敵  
遠取石田何所益一朝空謝會稽人萬古猶傷甬東客  
黍離離兮城坡坳羊牛踐兮牧豎歌野無人兮秋草綠  
園爲墟兮古木多白楊蕭蕭悲故柯黃雀啾啾爭晚禾  
荒阡斷兮誰重過孤舟逝兮愁若何天寒日暮江楓落  
落葉辭風水自波

疲兵篇

驕虜乘秋下薊門陰山日夕煙塵昏三軍疲馬力已盡  
百戰殘兵功未論陣雲泱泱屯塞北羽書紛紛來不息  
孤城望處增斷腸折劍看時可霑臆元戎日夕且歌舞  
不念關山久辛苦自矜倚劍氣凌雲却笑聞笳淚如雨  
萬里飄飄空此身十年征戰老胡塵赤心報國無片賞  
白首還家有幾人朔風蕭蕭動枯草旌旗獵獵榆關道  
漢月何曾照客心胡笳只解催人老軍前仍欲破重圍  
閨裏猶應愁未歸少婦十年啼夜織行人九月憶寒衣  
飲馬滹河晚更清行吹羌笛遠歸營只恨漢家多苦戰  
徒遺金鏃滿長城



新安送陸澧歸江陽

新安路人來去早潮復晚潮明日知何處潮水無情亦  
解歸自憐長在新安住

弄白鷗歌

泛泛江上鷗毛衣皓如雪朝飛瀟湘水夜宿洞庭月歸  
客正夷猶愛此滄江閑白鷗

長沙贈衡岳祝融峯般若禪師

般若公般若公負鉢何時下祝融歸路却看飛鳥外禪  
房空掩白雲中桂花寥寥閑自落流水無心西復東

贈湘南漁父

問君何所適暮暮逢煙水獨與不繫舟往來楚雲裏釣

魚非一歲終日只如此日落江清桂檝遲纖鱗百尺深  
可窺沈鈎垂餌不在得白首滄浪空自知

明月灣尋賀九不遇

楚水日夜綠傍江春草滋青青遙滿目萬里傷心歸

故人不滋一云春色深傷心歸一云傷歸心在明月在誰見孤舟來去時

題曲阿三昧王佛殿前孤石

孤石自何處對之疑舊遊氛氲峴首夕蒼翠剡中秋迥  
出羣峯當殿前雪山臨鷲慙真堅一片孤雲長不去莓

苔古色空蒼然

送友人東歸二首

疑只一首與前兩章同一調

對酒霸亭暮相看愁自深河邊草已綠此別難爲心  
關路迢迢匹馬歸垂楊寂寂數鶯飛憐君獻策十餘載  
今去猶爲一布衣

扁舟傍歸路日暮瀟湘深湘水清見底楚雲澹無心片  
帆落桂渚獨夜依楓林楓林月出猿聲苦桂渚天寒桂  
花吐此中無處不堪愁江客相看淚如雨

嚴陵釣臺送李康成赴江東使

潺湲子陵瀨髣髴如在目七里人已非千年水空綠新  
安江上孤帆遠應逐楓林萬餘轉古臺落日共蕭條寒  
水無波更清淺臺上漁竿不復持却令猿鳥向人悲灘

聲山翠至今在遲爾行舟晚泊時

送姨子弟往南郊

一展慰久闊寸心仍未伸別時兩童稚及此俱成人那  
堪適會面遽已悲分首客路向楚雲河橋對衰柳送君  
匹馬別河橋汝南山郭寒蕭條今我單車復西上郎去  
霸陵轉惆悵何處共傷離別心明月亭亭兩鄉望

銅雀臺

嬌愛更何日高臺空數層含啼映雙岫不忍西陵漳河  
東流無復來百花輦路爲蒼苔清樓月夜長寂寞碧雲  
日暮空徘徊君不見鄴中萬事非昔時古人不在今人  
悲春風不逐君王去草色年年舊宮路宮中歌舞已浮

雲空指行人往來處

王昭君歌

自矜嬌艷色不顧丹青人那知粉繪能相似負却使容華  
翻誤身上馬辭君嫁驕虜玉顏對人啼不語北風鴈急  
浮雲秋萬里獨見黃河流纖腰不復漢宮寵雙蛾長向  
胡天愁琵琶絃中苦調多蕭蕭羌笛聲相和誰憐一曲  
傳樂府能使千秋傷綺羅

送杜越江佐覲省往新安江

去帆楚天外望遠愁復積想見新安江扁舟一行客清  
流數千尺底下看白石混元氣深波連洞庭碧鳴榔  
去未已前路行可覲猿鳥悲啾啾杉松雨聲夕送君東

赴歸寧期新安江水遠相隨見說江中孤嶼在此行應  
賦謝公詩

湘中憶歸

終日空理棹經年猶別長家頃來行已遠彌覺天無涯白  
雲意自深滄海夢難隔迢遞萬里帆飄颻一行客獨憐  
西江外遠寄風波裏平湖流楚天孤鴈渡江水湘流澹  
澹空愁予猿啼啾啾滿南楚扁舟泊處聞此聲江客相  
看淚如雨

送郭六侍從之武陵郡

常愛武陵郡羨君將遠尋空憐世界迫孤負桃源心洛  
陽遙想桃源隔野水閑流春自碧花下常迷楚客船洞

中時見秦人宅落日相看斗酒前送君南望但依然河  
梁馬首隨春草江路猿聲愁暮天文人別乘佐分憂才  
子趨庭兼勝遊澧浦荆門行可見知君詩興滿滄洲

山鸚鵡歌

山鸚鵡長在此山吟古木朝嘶相呼響空谷哀鳴萬變  
如成曲江南逐臣悲放逐倚樹聽之心斷續巴人峽裏  
自聞猿鷺客水頭空擊筑山鸚鵡一生不及雙黃鵠朝  
去秋田啄殘粟暮入寒林嘯群族鳴相逐啄殘粟食不  
足青雲杳杳無力飛白露蒼蒼抱枝宿不知何事空  
山萬壑千峯自愁獨

望龍山懷道士許法稜

心惆悵望龍山雲之際鳥獨還懸崖絕壁幾千丈綠蘿  
嫋嫋不可攀龍山高誰能踐靈原中蒼翠晚嵐煙瀑水  
如向人終日迢迢空在眼中有一人披霓裳誦經山頂  
飡瓊漿空林閑坐獨焚香眞官列侍儼成行朝入青霄  
禮玉堂夜掃白雲眠石床桃花洞裏洞人滿桂樹山中  
住日長龍山高高遙相望

戲贈干越尼子歌

鄱陽女子年十五家本秦人今在楚厭向春江空浣沙  
龍宮落髮披袈裟五年持戒長一食至今猶自顏如花  
亭亭獨立青蓮下忍草禪枝繞精舍自用黃金買地居  
能嫌碧玉隨人嫁北客相逢宜疑姓秦鉛花拋却仍青春

一花一竹如有意不語不笑能留人黃鸝欲棲白日暮  
天香未散經行處却對香爐閑誦經春泉漱玉寒泠泠  
雲房寂寂夜鐘後吳音清切令人聽人聽吳音歌一曲  
杳然如在諸天宿誰堪世事更相牽惆悵迴船江水綠

丁亥二月以二弟所買馮定遠舊藏鈔本校後五卷其次弟與宋槧目錄皆合蓋佳  
書也文房詳庶幾補可讀矣焯記

嚴天池家抄本後五卷次第亦同復取參校改五字又記

乾隆丁酉二月九日東里盧文弨校一過

### 劉隨州文集第十卷

### 劉隨州文集

隨州刺史劉長卿

### 第十一卷

### 冰賦

水無心而清冰虛己而明始則同體終然異明水之動  
我變以靜水之柔我變以貞任方圓而能處其順在高  
下而不失其平北陸初凝結而為冰東方始起融而為  
水與時合散一作消隨物行止水也莫一作不知其所然冰  
也莫分一作不知其所以何推運而有恆乃忘情而合理觀  
乎外示貞堅內含澄澈一作虛無染塵能一作受染一作無保其素  
不一作無納汙能一作以全其潔比玉而白不為蠅點一作玷

何本有目無文今從文苑  
華鈔得四篇尚有六篇未  
得

比月而明不為蟾缺瓊樹色奪瑤池光發寒日為一作變寒

日之清瑩陰天為一作帶之肅殺爰自止水徧於大一作

山川萬山一作穴俱閉長波寂然皎皎彌靜戔戔遠連如

雪覆地若雲披一作天雲之凝兮佇長風而可拂一作

雪之積兮向太陽而莫全豈夫氣之所感物莫能遷勁

颼夕寒我力增壯愛晴一作景朝暖我力一作猶堅其堅

伊何履霜斯至其薄伊何臨泉是畏君子用之以馴致

其道觀之而不驕於貴者也一無者二之日始鑿命虞

官三之日始納享司寒四之日一無四之天子陳禮容

賦豳風大啓冰室獻於王宮氣肅雲陞寒生衮龍闢九

門於月下列千官於鏡中頌衆一作位取飲以受命御

至尊得象於朝宗若君莫之求臣莫之見則深山窮谷

詎可得而加薦苟藏之不周用而不徧則災霜害電如

有待而為變人或好好字一作清人或好淨既潔其跡

亦虛一作堅其性水之冰生於寒人之冰出一作於正不

無一作棄其道吾將何病

首夏干越亭奉餞韋卿使君公赴婺州序

今年春王正月皇帝居紫宸正殿擇東南諸侯以我公

為少光祿自姑蘇行春於東陽愛人也頃公之在吳值

欖槍構戾南犯牛斗斗一作波動滄海塵飛金陵公夷險

一心忠勇增氣四面皆敵姑蘇獨靜臥甲霜天洗兵寒

水竟使浙西士庶不見烟塵公之力也朝廷聞而多之

以爲姑蘇之人已理東陽之人未化是邦拜作也宜哉  
卿月旣明仁風載清出入數藩從容九棘在虞秦而皆  
智豈滕薛而異名頌聲洋洋實此行矣干越便道金華  
前山梅花過時槐色猶獨一作在白雲芳草盡入詩興公  
實秉文律特將一作爲詞雄逶迤退公知八詠之有繼作  
矣

仲秋奉餞蕭郎中使君赴潤州序

皇帝臨軒旰食憂濟在人擇良二千石與之共理民有  
疾苦得以安之更有侵漁得以去之爲風化之本繫黎  
元之命不其難哉故內外闕官自卿大夫已下多責成  
元輔唯剖竹分符寄決在禁中又以政貴有成化難數

易至於理行超異公論當徵但增秩賜金或移典大郡  
而已由是我蕭公建隼茲地化行五年漢庭群公方待  
以美右一作職而竟有南徐之命蓋天子憂遠人而緩徵  
拜也公才可以濟物德可以化人五行之用備四時之  
氣足不立法而去弊不示禁而止奸寒者有衣飢者有  
食百城萬井若衆一作草之得陽春亦不知其所以然  
而然也詔書旣至公乃向闕北拜腰章遂行南徐之人  
望公如歸此邦之人去公如失千騎照路出於東郊男  
女滿野壺漿更奏泣涕如雨一作送邀遮以畱或攀我車  
或維我舟臨風鳴笳慷慨高秋君子一本有是字謂有古  
人之遺愛矣凡工文者得無詩乎

張僧繇畫僧記

天竺僧畫像者梁直閣將軍張僧繇之真迹也張公繪  
事之始厥有二僧後屬侯景師至金陵江南喪亂此畫流  
離散落多歷年所遂遭剖裂一作剖分而為二其一在唐  
故右常侍陸堅處即此僧也陸公常嬰篤疾殆將屬纊  
忽於夢寐覩此故僧謂公曰我有同侶一人自從離析  
已百餘年歲一作年今在洛陽故城東李君家深所寶玩  
舉世莫知若能為我求之再得會合當以法力扶助令  
爾無憂陸公既寤以處一作處訪求果如夢中之旨獲見  
斯人而僧亦俱在乃以俸錢十萬購一作贖而合焉即日  
陸公疾瘳勿藥有喜信知造思之妙通於神祇識者以

為干將鏌鋇散而復合亦其類也嗟乎陸公已沒子孫  
不守有姬鬻之於市為校書郎宋儋得之一作所得開元中  
儋服藥過度因而喪明其李氏之僧復失所在惟入夢  
者歸然獨存儋卒傳故人劉傑傑隱小一作居室不求聞  
達天寶末遭祿山之難避地淮陰與道士魏審交深相  
結納無何傑以老卒傳乎審交審交傳楚州刺史李湯  
湯傳睦州司馬劉長卿今為劉氏之寶藏矣



一

我朝初創國其際身雖今與國人之寶藏矣  
 詩餘每言心以表平昔平審交審文與詩世陳又李詩  
 直天寶末盡歸山一  
 林編入韻存之平專地入  
 不中言雖書之六帝而  
 為不辨疑瀾文而則合亦其  
 夫四  
 開  
 已  
 終

盛蘭州文集卷十一  
 四



